

大清郵政局特准掛號立券之郵件



# 南洋官報

丁未二月初十日  
旬報第七十二册

# 南洋官報

旬報第三十七年二月初十日  
光緒三十三年十二月十日  
NAN YAN KWAUG PAO.

ISSUED THREE TIMES PER MONTH.  
Nan King

## 督院轅抄摘要

論撰 論吾國商民宜知外人實業之侵略

內政 軍機大臣等會奏民政部官制摺 ● 考察政治館咨江

督文 ● 補錄江督憲札准運司文 ● 江南巡警局釐定清查戶

口章程詳江督憲文 ● 銅山縣董大令蒞任求言示文 ● 各省

要聞彙誌 ● 外務部遵議變通出使章程摺 ● 補錄交還營口條約

外交 ● 各省要聞彙誌 ● 各國要聞彙誌

學務 ● 學部奏請派員赴美籌辦學務摺 ● 江督端蘇撫陳奏

籌撥京口駐防各學堂經費以宏教育摺 ● 補錄學部改定各

學堂考試新章 ● 各省要聞彙誌 ● 陸軍部奏准變通差官期滿章程咨江督文 ● 節錄蘇

軍政 省督練公所釐正部駁編練新軍各節詳撫院文 ● 南洋新定

見習士官暫行條例 ● 各省要聞彙誌 ● 各國要聞彙誌

財政 蘇撫陳奏撥濟學務款項摺 ● 皖撫恩奏籌款維艱擬

清丈沿江洲地分別繳價升科摺 ● 江督蘇撫致軍機處請代


奏電文 ● 江藩司詳湖北農務學堂黃道藝借捐洋請賜獎勵

文 ● 各省要聞彙誌 ● 皖撫恩飭藩司等照擬開辦農工實業學堂札文 ● 上

實業 江督憲請興農務書 ● 各省要聞彙誌

雜誌 新編立憲綱要

增農家必讀



正月二十八日奉

上諭載瀛等奏請勘修

惠陵明樓方城龍溝水口工程一摺著派紹昌前往敬

謹勘估承修欽此

上諭農工商部奏請補左右丞缺一摺農工商部左丞著耆齡轉補農工商部右丞著

沈雲沛補授欽此

二月初二日奉

上諭鑲藍旗蒙古副都統德峯由廕生三等待衛挑在乾清門行走擢頭等待衛荐升

副都統歷充各差均能勤職茲聞溘逝軫惜殊深加恩著照副都統例賜卹任內一

切處分悉予開復應得卹典該衙門查例具奏欽此

初三日奉

上諭張百熙現在賞假郵傳部尙書著林紹年暫行署理欽此

旨鑲藍旗蒙古副都統著岳樑補授欽此

初五日奉

上諭浙閩總督松壽著加恩賞在紫禁城騎馬欽此

正月二十八日 運司趙濱彥 蘇州善後局提調葛德潤均到 通判江鳳藻由湖北來 州判程學

愷奉調奉天差遣 阜甯縣何毓駿辭 泰興縣劉思勳稟知赴蘇後赴任 知縣伍璣奉盛大臣電飭

赴桃源帶同馮守勤辦賑務由鄂來 恩潤到均見 法政學堂于稟知查驗河道工程回 候補道彭

熙臣辭赴湖北措資 通判熙光由蘇回 江甯縣田稟知赴南鄉勘案回 運河統捐分巡薛振東赴

贛榆公幹 常鎮道發審洪通聲到 知縣江慕洵稟知赴滬解交奉天陳列所商品 陳銳 陳仕揚

均奉提學使委同人場闈卷 知縣趙彥純銷銀元局報銷差 方蔭儀引見回 隄工局何亮標到

員外郎張志潛到 學習郎中朱景勸辭回蘇○二十九日 江西督銷胡由蘇回 釐捐總巡陸樹聲

由阜甯公幹回 三十四標三營管帶杜超稟謝加札 蘇糧道陸鍾琦辭 候補道陳兆璜 李國璠

均由蘇回 知縣伍璣辭赴桃源 梅長遠奉飭裁撤收放銅元交卸清楚 朱靖培由京引見辭回湖

南 江西督銷胡回局 前福建興泉永道惲祖祁 直隸候補道翁順孫均由常州來 陝西候補道

葉祖蔭 通判史鼎均辭 奉派留學法國專科學生戴儒珍辭赴法國○二月初一日 代辦淮北督

銷王肇慶辭 皖南鎮吳軍門到 公學監督方臯稟知公學開學 三十三標教練官魏卓文到差

兵備處器科提調王恭爵謝委 同知王乃成奉委裕甯官錢局稽查差 三汊河木釐周祖同辭 都

司戴鎮祥謝委巡警水師正巡官 知縣吳祖恩辭回揚 常永慶由京來 縣丞喻秉忠由湖北解第

二批銅來 欽憲文巡捕張箕由滬銷差回 實業學堂王稟知添招新班學生開考○初二日 常鎮道發審洪適聲 安徽賑捐恩潤均辭 內閣中書朱路辭行 礦務局王瑾謝委皖南茶釐差 候補道何立坦由清江回 袁學昌稟回湖南 龍山遊擊湯玉和辭赴任 知縣金森由甘泉回 湖北淮鹽分銷江鳳藻辭 三十三標二營顧忠琛謝委管帶○初三日 皖南鎮吳到 前江蘇藩司濮子潼由滬來 法部郎中蔡國棟到 江陰軍械分局恩桂到辭 海門釐捐施煥到 知府姚廷棟辭回江西 都司王道輝由常州來 通判池貞銓辭赴贛州查礦 知州謝祖沅回滬 調署興化縣張應銘由蘇回赴任 工巡局收支孫鴻猷回上海 知縣鄧復興 黃際清均由蘇來 李寶樞由鄂來 陳鍾嶽由浙江來 工料所夏稟知思益學堂開學 揚州叅將戴鶴松到 知縣席伯連叩謝准補鹽城縣 周梶榮謝委測繪學堂文案差 趙先京叩謝飭知到省 朱修璜稟知奉裕甯官錢局委文案差 府經歷王佐到 萬恩鴻奉委監修師範學堂工程 從九王棟銷華嚴岡火藥庫差 鹽大使許承錫由揚來○初四日 候補道陳毓華赴湖北分統保護遼海漁業兵輪船 水師劉錫珍由奉天來調查礮械 巡警水師正巡官伍從順稟知交差 遊擊王才民謝委先鋒官到差 句容縣劉本憶由蘇回 知縣鄧之秀銷財政局收支差 王瑞蘭稟知隨淮揚道差遣 徐樹森銷江陰礮臺歲修工程差 府經歷嚴郁葵由京來 澄波輪船劉觀文解餉赴江陰 上元縣朱稟知赴巴斗山勘案並勸帶子

洲等處坍江 典史鄒炎稟知加捐知縣過班○初五日 皖南鎮吳辭 候補道喜源由鄂來 李宗

棠由日本高麗勸募義賑回 蘇州府發審委員李修梅到 知州陳嘉穀到華嚴岡火藥庫差 卸辦

滬甯鐵路購地事宜鍾元棣由滬來 六合縣李善樂叩謝部復准補 知縣許鼎年謝委海州賑務差

馮廷棟山東來 巡警水師正巡官戴稟知到差 遊擊萬國棠由北洋咨送回標 准補太湖右營

都司龔先耀到 署海分司袁世傳到 徐州師範學堂監督任憲吉到 提學使陳稟知考試閱卷畢

候補道胡念修由蘇來 通判黃熾祥 知縣張存彝 何亮渠 縣丞閻敦社均稟知咨遣饑民錢

米發給完竣撤廠銷差 准補太湖右營都司龔先耀叩謝辭 海州分司袁世傳辭○初六日 銀元

局匡 會辦銀元局景均稟知開廠 統制新軍徐 速成學堂監督左起慶均稟知發給衛生隊畢業

學生憑照畢 法政學堂于銷查點初級師範學堂並河道工程差 候補道劉秉楨由蘇回 龍拔瑞

回湖南 總兵于雲青由安徽來 通判彭鴻年由清江交米回 知縣李寶樞 陳宗嶽均辭回湖北

游龍元由滬來 縣丞魏國柱到省 巡檢蘇滙銷師範學堂工程差 總辦駐滬江南賑捐兼採辦

糶米事宜蔣輝稟知接受關防 候補道喜源辭回湖北 通濟船葉伯鑒辭赴張王港 福安船高太

金送難民赴瓜州回 守備鄭業銘稟知銷挑選饑民並兼督河工稽查差 混成協步隊一營莊謬稟

知放餉畢○初七日 揚州叅將戴鶴松叩謝調署海州叅將辭回揚交卸並叩謝總理淮北營務處

知府江紹杰由滬查案回 安徽公學監督李德膏到 知縣馮廷棟謝委淮屬賑捐差 縣丞李宗緒

由睢甯回 遊擊許金勝奉鹽捕統領徐道委提前帶浙西巡緝營副將周遠明押解來省 蘇州府發

審委員李修梅辭 知縣陳杭銷工賑處文案差 縣丞張錫鼎由京來到省 巡檢張兆熊到銷揚州

中開差 首府兩縣三大營請令卽繳 縣丞葛鏞 巡檢黃晷隆均奉委解官犯朱光點謝鈞赴京

巡檢胡銓銷漢西門土圩饑民錢米發給完竣○初八日 前江蘇藩司濮子潼 運司趙濱彥均辭

候補道瞿衡璣謝委礦政局差 徐乃光交卸蕪湖米釐差回 羅治霖辭赴蘇 禮部主事劉景熙由

江西來 沙漫洲緝私劉貽慎奉示察看 通判熙光謝委轅下文巡捕差 知州程學愷辭 句容縣

劉本憶 鹽城縣席伯連均辭赴任 遊擊許金勝辭 知縣向榮稟知銷採辦營房工程磚瓦差 縣

丞梁冠勳稟知過知縣班由滬來

藩轅牌示 甘泉縣震鈞因病請假查有陳元鑄堪以酌委署理鹽城縣孫慶璜撤任查有是缺之奉部

覆准席伯連應飭赴任

蘇州藩轅牌示 江陰縣承厚開缺另補所遺員缺查有潘宜經酌補奉賢縣王邦鼐署事期滿遺缺查

有李潔酌委署理

# 論撰

## 論吾國商民宜知外人實業之侵略 〔本報撰稿〕

十九世紀以前吾國之民但知有商不知有戰今則商戰一說徧吾各行省中通商市埠凡營業者莫不以爲競爭優勝之目的時變愈亟業場愈大競爭愈多邇日之商倘無作戰之勇敢備戰之智識角戰之能力其不耗折挫敗以顛覆於環球溝通敵壘棋布至劇至烈之大地場也蓋已鮮

雖然戰之爲言鬥也傳云皆陣曰戰是凡爲戰者必各立一隊各樹一幟布設不相襲利便不相讓而後或以捷勝或以奇勝或以敵所未知而我知者勝或以敵所不能而我能者勝兵法曰戰有先聲有先手師之所動能使敵謀沮者先聲也居人已之並爭而輒蚤一籌者先手也蓋戰則爭勝未有不爭勝人猶可謂之戰者

今商戰世界人方蹈我之瑕伸其勢力以冀占我宿營地我商業界中能蚤一籌以沮其謀或出奇制勝而能與之相角拒者其人十不過一二餘則非惟不角拒甚且合我商力爲之偵探爲之鄉導爲之分軍旁出之各枝隊以攻擊我豐庫逼促我生計聚殲我奢靡浮蕩之愚民如是則敵鋒所至我之商市皆爲彼服務之降將軍矣奚以戰

嗚呼今各國對我政策咸變其兵事之侵略爲實業之侵略我商人獨未之知乎夫實業侵略者不必其分割我土地占據我膏沃以墾以植以斂我固有之物產而後見其侵略之形迹也使侵略必及我土地我國雖弱既見其害未有不援據公理以抵制者如近日之爭廢礦約爭贖路軌其明証矣况土地主權我所自擅彼苟不背盟約而謂竟能入我內地植一草樹一木闢我曠壤以爲彼之不動產也亦斷斷其無有

然則何謂實業侵略畧曰實業侵略彼仍寓於商戰而行之者也商業主貿遷實業主殖產二者之區別不可混合而爲一記者曩已明辨之然出產既富必有運而售者而後其業乃日大其利乃日贏故實業之發達非多其物品以儲而積之之謂將多其物品銷流各地博取利贏以增進營業勢力之謂也以戰勝言商於人國者多銷己國一物品而使人國之出產受其壓制不能發售卽無異於人實業之位置以爲彼輸入實業物品之位置也侵略企畫大抵如是

如是地不必爲所有產不必爲所據以其品物吸收財利吸歸之利復以興業興業愈多吸力愈大循環吸取必殫必竭受吸者脂膏既罄雖有業場無力營建則實業思想浸蹙

浸蹙浸蹙至極不得不舉而盡爲所兼併也可必矣然而起觀吾民則猶曰吾土地如故

吾出產如故彼實業侵畧何嘗及我而不知入我商市目之所擊五光十色一切瑰奇綺麗之品物名皆冠以東西洋者無非實業侵畧之軍隊也

夫外人出其侵畧之手段萃集以謀我多方以誤我攻堅攻隘得步進步其在競爭之時期固無足怪所怪者我商人鳩合母本爭逐子利日斷斷然號於衆曰商戰商戰而所以戰者但不過關一地場飾一門面減損我各地自有之土貨轉輸彼各國侵入之客貨一錢業也或龍銀抑價劣於鷹圓一綢業也或本機滯銷拙於洋製他若呢絨羽布玻璃瑛瑯與夫東西洋新出之器什爲我小負販所陳設以求售者幾於充街填市無往不見凡此諸物或我之原料而彼製之或彼之原料而我製之或原料製造皆出於我而配合原料推廣製造之機具仍必自彼購之參合爲用我有十分之實業彼已雜糅而占我之五矧若衣若食若玩好若用物其遠而運致於我國者爲彼實業家專擅之利益尙有大多數哉由是可知實業之一方面彼固不必據我土地攘我出產而侵畧目的已無往而不達矣

侵畧所至必有抵禦今我明智之士焦音瘖口勞身苦慮以謀實業之發達未嘗不講墾植研工藝汲汲然惟恐其時之已後其力之不遑然而明智者將挽狂瀾於既倒迷夢者

儼趁逝水以下流如我商人方窺察我民之嗜好務以客貨擠土貨由商埠而轉至內地由內地而轉至偏僻近數年間曩有地號敦樸不知奢靡之服御者比亦漸學洋派煥然一新而零星小貿携筐提榼烟間茶肆趁客覓利亦以洋貨爲居多

嗚呼窺察我民之嗜好是實業侵略之偵探也內外轉運寢至偏僻是實業侵略之鄉導也烟間茶肆零星小貿與夫街市設攤羅列求售是實業侵略之枝隊也人以輸入實業侵略我受其禍乃反甘心爲偵探爲鄉導爲分軍旁出之枝隊以佐成其侵略之企畫我商業中尙有人乎有人然後乃能戰商戰商戰吾恐習爲口頭禪者猶是知有商而並不知有戰也

否則惟欲發達我實業也是以重商務惟欲振起我商務也是以興工藝惟欲優美我工藝也是以備科學何以學堂愈多工廠愈多而我商人之營業愈不趨重我實業轉爲他人實業所驅使也彼將曰學堂之需用工廠之供給與我國民之購取一切器什俱非舊製我之所售倘不盡翻花樣而新之是北其轍者南其轅行與道背必且自致於顛覆矣雖然貨品之易製可也若舍我原料用人原料與不自製而東西稗販但冀稍沾其餘

今一國之地商舖所設品物絢爛多非吾國所夙有或曰我之工作日有進益如是東西形式之製造殆我邇日所規仿乎然我各地工廠所出之貨商部冊籍可以稽考今之細密光緻堅韌靈巧與夫縷金錯彩鉤心鬥角使吾國民携資入市歆之羨之流連焉而不能去者果皆吾新工廠所自出歟抑人興實業以我爲壑輪舟鐵道萬里輸送有我商人任沽販耶吾入吾市吾將使居市者還自問之

居市者果自問度彼亦必啞然笑也何則就所見之現象言今設一新市則必華好其屋宇焜耀其陳設髹漆不已藻以丹碧雕鏤不已嵌以琳瑯而松楣彩壁之上迎風而飄拂者則有兩龍旗焉龍旗者 國徽也各國商人貿易我國樹其國旗以爲標幟其義若曰我爲某國之商俾與他國有識別耳乃我商市之所樹則我國 國旗而商品之所陳則他國製品我不圖爲人偵探爲人鄉導爲人分軍旁出之枝隊者亦復借我 國旗壯聲勢也無商戰之効力有商戰之武裝切而按之斯真可以發一噓矣

不甯惟是通商條約凡外人欲於吾內地設立行棧開闢租埠苟非有特別之交涉則堅拒之此亦吾商人所視爲必當之主權惟恐吾政府之爭執有不力矣拒之之意微獨慮主客雜處稍有齟齬易生事後之糾葛蓋利權自保實亦懼其灌輸各貨占我各地地產

之銷場今內地交易市肆所列大半客貨是不必闢租埠設行棧而我爲其租埠與行棧者較彼自設爲更夥焉名拒之而實附之斯又可以發一噓也

不啻惟是近吾商人或合羣營業設一公司其籌款也則必先禁貸洋款其招股也則必先禁附洋股章程所載畧盡釐然豈不曰有外人之股有外人之款我之利益仍爲人占與吾創立公司保全權利之大指不相合也抑思販運客貨此客貨中有彼之人工彼之原料卽無異招彼之股附入無形之資本而我用其貨售之吾市得價多少價彼值外乃有所餘此又何異借彼之款而納息也夫有形之股款則禁之而無形之股款則收之欲盜鈴而掩其耳斯更可以發一噓矣

凡若此者吾原知吾商人不得已也地材不增廣工製未完全而人心風俗日趨新式將博微利以謀衣食其去土貨而販運客貨亦勢也然而導奢助靡吸民之財聚於商市商市得其一外人取其九且商不一業民之日用百物爲備物皆客貨彼此供給有無交易則是以商吸民而又以商吸商輾轉相吸集爲大注以投於外民安得不空匱商安得不顛蹶獨彼發達其實業者益富益強不動聲色遂奏兼併人國之捷效此其所以爲侵畧

也

是則將奈何曰土貨之製精於客貨則購者衆矣土貨之價廉於客貨則售者多矣蓋外來各物製造雖巧運致我國輸送征稅爲費已多我之土貨產於本國較彼成本究有差異但使地材廣有原料不貴製造精巧工業加良亦安見我土貨之銷路必不可敵各國之客貨乎倘曰植地材廣工藝我之母本近尙不逮我曾不解販運客貨與飾其市場以求利者彼獨不須有母本耶卽母本有大小然聚沙且可以成塔累石亦可以爲山使移其稗販之資聚爲實業之用吾未見今日之商力果有所不足也顧亦何憚而不爲此吾爲是言非排客貨也非禁絕其貨必與通商條約有妨礙也通商之義在彼此咸利兩無損失而後謂之通至損失旣大務求自保其權利是固世界各國之公例矧邇日商情爲我患者不惟利贏之損失我苟束手待斃不自圖救是甘與生存之計爲反對而爲彼天演之說所不許矣

且世界公例凡妨害一國之生業者其一國卽得而抵禦之今外人實業之侵畧旣無異兵事之侵畧以兵事論彼鋒銳所至而謂整我師嚴我陣淬礪我器械鼓舞我戎士使果敢禦敵以保將失之營地者爲不合乎吾恐全球雖大無此公例况商戰二字倡自彼國不相抵制何以爲戰

嗚呼抵制侵略固吾商人應有之權限應盡之天職也特恐吾商人者狃於近利不恤後患實業方面已爲人占而爲之偵探爲之鄉導爲之分軍旁出之枝隊者猶是昧然不覺且斷斷然號於衆曰吾土地如故吾出產如故外人侵略何嘗及我我既處此商戰之時代但使翻新花樣卽我競爭優勝之要點也不知商戰之義當與人戰若戰於一市自戕同業謂之爲商尙且有媿而曰商戰商戰云乎哉

軍機大臣等會奏民政部官制摺

奏為請 旨事九月二十日恭奉

懿旨巡警為民政之一端著即改為民政部

原擬各部院等衙門職掌事宜及員司各缺仍著該堂官自行覈議悉心妥籌會同軍機大臣奏明辦理等因欽此臣等當即督飭各員悉心籌議竊維民治為保邦之本設官乃熙績之原虞周司徒實掌邦籍魏晉民部皆列尚書責任之專關繫之重實中夏由來定制亦環球立國所同臣等前奏擬巡警部官制即屢經聲明為內治根基民事總滙所擬辦法已隱寓民政於中茲復欽奉 懿旨特改民政部仰見 朝廷講求內治綏靖

民生之意臣等詳繹總司核定官制王大臣奏定民政部官制參之各部官制通則綱目已具憑藉有資因就原設巡警部分司職掌原有者量為合併原無者分別增入如民政之地方行政地方自治移民僑民暨戶部分入之保息賑救疆理工部之營繕此皆為巡警部原設司科所無者也各項警察行政司法教練暨整飭風俗禮教戶籍保安營業工築衛生編譯等項此皆為原設司科所有者也此外一部總匯之事如原設考績統計文牘庶務等科機務一所事項此應遵通則設承政廳以左右丞督理之者也一部謀議之

事及諮議審議章程等事原由各司擬稿丞參覆核者此應照通則設參議廳以左右參議總核而酌設參事以佐理之者也計應設各司按照原奏仍設五司一曰民治二曰警政三曰疆理四曰營繕五曰衛生均已另定職掌而將原設各司所分別歸併辦理現在創辦民政較之巡警部事務倍增擬按各司繁簡酌設額缺巡警部原設郎中五缺員外郎主事各十六缺小京官四缺照七八九品筆帖式設一二三等書記官每司限以十缺今職掌既繁員缺自應改置擬參照原奏設郎中八缺參事二缺員外郎十八缺主事二十缺七品小京官九缺仍遵設八九品錄事將原設一二三等書記官裁撤其各司增設之七品小京官一缺兼可爲八九品錄事升轉之階臣等伏維更定官制全在綜核名實不在廣增員缺是以事務雖較從前爲多而員缺合計仍未敢多所增加將來民政推擴日廣綜領日繁員缺如有不敷仍當再行續請添設至民政原係包括巡警應有專司稽核之員查周禮本有司稽一官漢魏司徒各曹亦有督查專職京城警衛責任重要臣部現直轄各廳局堂所人員事務亦極紛繁前於巡警部創設之始曾設有稽查處爲稽察警衛

蹕路及各廳局之用擬仍照前設立以重考核又查內外兩城巡警兩廳官制

本與原設巡警部息息相通現臣部既經議定職掌嗣後京城巡警爲該兩廳專責亦應

酌議變通擬將兩廳丞員缺升爲從三品俾重事權部中既設參事該兩廳參事應改爲  
僉事並添設司法處以辦理司法警察現均酌按事宜改定各處官員名稱職掌品級以  
符名實而便升轉並推辦外坊巡警移設分廳以期布置周密臣等公同商酌意見相同  
分繕清單進呈 御覽俟奉 旨允准後臣部卽遵照辦理並通行知照所有會議  
民政部衙門職掌員司各缺緣由謹繕摺具陳伏乞 皇太后 皇上聖鑒訓示  
謹 奏光緒三十一年十二月十七日具奏奉 旨依議欽此

### 民政部官制章程清單

一原設巡警部職掌係專管全國巡警事務今奉 旨改爲民政部職權範圍自應推廣擬參照總司  
核定官制王大臣原奏民政部官制管理地方行政地方自治戶口風教保息荒政巡警疆理營繕衛生  
等事除京師內外城巡警總廳仍由本部直轄外其直省民政等官本部皆有統屬考核之權 一擬參  
照總司核定官制王大臣原奏各部官制通則設承政廳以左右丞各一員任一部總滙之事凡承辦機  
密考核員司編存文卷籌核經費各事項皆屬焉擬設員外郎主事七品小京官各四缺以資佐理所有  
原設之警務司及警政司之考績科統計科及機務所均歸併辦理 一擬參照原奏各部官制通則設  
立參議廳以左右參議各一員任一部謀議之事凡議訂本部法令章程等事胥屬焉仍參照原奏設參  
事二員位正五品以爲之佐並就各司司員內每司遴派一人在參議廳行走協同審議另設編譯員掌

編譯各國關於民政事宜之各種書籍不作額缺 一擬參照原奏民政部官制及巡警部舊有職掌增  
新併舊仍設五司一民治司二警政司三疆理司四營繕司五衛生司 一民治司掌稽核地方行政地  
方自治編審戶口整飭風俗禮教核辦保息荒政移民僑民各事項擬設郎中二缺員外郎四缺主事五  
缺七品小京官一缺分任之所有原設之警政司戶籍科事務即歸併該司辦理 一警政司掌核辦行  
政警察司法警察高等警察及教練巡警各事項擬設郎中二缺員外郎四缺主事五缺七品小京官一  
缺分任之所有原設之警政司行政科警法司司法科國際科警保司保安科營業科及警學司課程科  
所掌事務均分別歸併該司辦理 一疆理司掌核議地方區劃統計土地面積稽核官民土地收放買  
賣核辦測繪審訂圖志各事項擬設郎中員外郎主事各二缺七品小京官一缺分任之 一營繕司掌  
督理本部直轄土木工程稽核京外官辦土木工程及經費報銷並保存古蹟調查祠廟各事項擬設郎  
中一缺員外郎主事各二缺七品小京官一缺六七品醫師各一缺分任之所有原設之警保司工築科  
所掌事務即歸併該司辦理 一衛生司掌核辦防疫衛生檢查醫藥設置病院各事項擬設郎中一缺  
員外郎主事各二缺七品小京官一缺並設六七品醫官各一缺分任之所有原設之警保司衛生科所  
掌事務即歸併該司辦理 一民政事務範圍甚廣現定各司職掌容有未盡應隨時分別事類就現設  
各司內酌量增入 一承政廳及各司分科事宜應按照原奏通則由本部另定詳細專章辦理仍隨時

酌量事務繁簡增減分合以期合宜 一習藝所原設有員外郎一缺主事二缺隸警法司今擬就警政

記官及司書生均不定額缺今按照原奏各部官制通則擬改設八九品錄事由尙書侍郎酌量委用並咨行吏部存案 一巡警部原設之豫審廳訊斷刑民案件俟法部大理院奏定裁判階級定期實行後應如何移交歸併之處屆時應會同法部大理院妥議辦理至尋常違警罪犯應仍由分廳訊結 一巡警部原擬比照商部顧問官之例設一二三等採訪官偵訪要務今擬仍用舊名遴員酌派採訪關繫民政警務一切事宜 一巡警部原轄之路工局應仍歸本部直轄俟路工告成後酌量歸併 一巡警部原轄之教養局習藝所巡警學堂消防隊協巡營均仍歸本部直轄如有應行改隸之處由尙書侍郎酌核辦理 一以上各條皆就本部應辦事件酌擬嗣後如有增減改併之處應隨時由本部會同軍機大臣奏明請 旨辦理

酌改內外城巡警廳官制章程清單

一內外城擬仍設巡警總廳各一曰內城巡警總廳曰外城巡警總廳總理京師內外城一切警務 一內外城總廳原分總務警務衛生三處現民刑事訴訟既歸大理院辦理原設之內外城豫審廳俟地方裁判所成立後理應裁併所有搜查逮捕護送罪人及處治違警罪等事擬添設司法處以分理之又警務處名稱太混擬改爲行政處以專辦行政警察事務 一內城原設五分廳外城原設四分廳今分廳之下既分設各區則分廳不必多設擬內城併爲三分廳曰內城中分廳內城左分廳內城右分廳外城

併爲二分廳曰外城左分廳外城右分廳各歸內外城巡警總廳直轄其內外城原設各區卽由兩總廳酌量撥隸各分廳 一京師四郊警察亦應推廣與辦應分設廳區若干由兩總廳酌量辦理再行具奏 一內外城總廳原設廳丞各一員位正四品現經奏准廳丞專任恭備 道差整飭地方一切事務之責自應酌升階品以專責成而查董率擬仍名廳丞位從三品承民政部尙書侍郎之指揮監督管理地面一切事務 一內外城總廳原設之參事官與各部參事名稱相混擬改稱僉事惟警務費用專門人才必須依次升轉方資歷練而免凌躐現擬升廳丞爲從三品而原設知事參事皆係五品於升轉不便擬改設總務處僉事一員位從四品爲廳丞屬官領袖不得比照京堂仍改設行政處司法處衛生處僉事各一員位正五品承廳丞指揮命令分理一切事務 一內外城總廳各設五七七八九品警官若干員分隸各處執行各項事務由兩總廳酌定額缺申請奏明立案 一內外城分廳仍各設知事一員位正五品承廳丞指揮命令辦理本管廳區事務知事以下仍各設六七八九品警官若干員由兩總廳酌定額缺申請奏明立案 一每區設區官一員以六七品警官充之承該管分廳知事之指揮命令管理本區地面事宜區副一員以八九品警官充之協理本區事務 一各廳應設八九品錄事由廳丞酌量委用申報本部 一民政部與巡警廳權限關係擬另由本部詳訂章程奏明辦理

考察政治館咨江督文

（爲御史李灼華奏請禁紙烟賭牌事）

爲通行事光緒三十二年十二月初一日准軍機處片交本日御史李灼華奏請禁紙烟賭牌一片奉

旨著考察政治館分行京外各衙門一併禁止銷此相應傳知貴館銷進等因前來理合刷印原片恭錄

諭旨咨行貴督欽遵體察情形查照辦理可也

計抄片稿

再鴉片之禁固因其廢時失業疲精力耗資財也而有甚於鴉片者莫若紙捲烟打麻雀兩端查紙烟始於呂宋初則內地不甚吸食自庚子亂後以迄於今富貴貧賤之家老弱婦孺之界無時不有各省皆然其所費十倍於水烟旱烟按烟捲最貴者合五六分銀一枚賤亦三五文一枚中國雖仿而製之然銷路究不若外來談者近以東洋埃及之烟爲美凡拉車者乞丐者亦爭相購食又聞洋藥嗎啡可研末裝入捲內是耗費害人甚於鴉片矣麻雀之賭臣前年曾以爲言仰蒙 飭下步軍統領順天府五城一體出示嚴禁京師此風稍戢乃各行省府廳州縣明目張膽舉國若狂除民間不計外官署幕僚無晝無夜習以爲常夫儕伍四民孰無恆業猶且不可況在官僚其因循玩愒坐誤事機良非淺鮮此二害殆與鴉片埒矣應請一併 飭下京外各疆臣嚴行禁止違者重懲實於國計民生有裨謹附片具陳伏乞

聖鑒謹 奏

補錄江督憲札准運司文

(爲查禁販賣婦女事)

爲札飭事照得販賣婦女例禁綦嚴要隘關津盤查宜密本年(指丙午年)徐海淮安各屬霖潦爲災饑民甚衆現放冬賑祇能救命而不能救貧其間有婦女者或慮及養膳爲難希冀售賣得錢姑救燃眉

之急而外來奸徒遂乘機誘惑與販漁利在愚民情殊可憫在奸徒尤法有難寬應卽由徐淮二道督飭徐淮海各屬從嚴查禁一面責成鎮江關榮道淮安關穆道海州汪直牧暨淮河各釐局在於各口經過船隻及僻靜小道嚴密盤查遇有與販婦女人犯立即拏獲解究並將婦女資解原籍給領團聚至揚州留養饑民尙有數萬人吏難保無誘買販賣情事並應由趙運司督飭揚州府縣在於各廠切實查究以恤災黎而懲奸販除出示查禁外合行札飭札到該司卽便轉飭各局卡釐局一體遵照指飭事宜嚴密稽查實力禁止勿稍疏縱如有拏獲與販婦女人犯者每起從重獎賞洋銀三百元以示鼓勵由地方官先行墊給由本部堂札發歸還仍將辦理情形具報查考切切

#### 江南巡警局釐訂清查戶口章程詳江督憲文

爲詳報事竊維警察宗旨要在治安而治安本源基於戶籍戶籍不清則警察無由入手故東西各國悉以此爲內政要圖舉凡保商安民殖民諸政策以及審定國籍胥惟清查戶口是賴金陵省垣爲東南門戶商民輻輳戶口殷繁良莠既屬不齊匪徒易於混迹况地方遼闊防範難周亟應先事調查庶不致臨時竭蹶方今預備立憲自應以清查戶口爲要圖茲經職道釐訂新章實行編查庶幾可以綏靖地方警政藉此整飭除示諭並派派委員會同各區巡官迅將各該管段內戶口若干切實清查呈報外所有釐定清查戶口章程緣由理合開摺具文詳報仰祈憲臺鑒核伏乞批示祇遵實爲公便

第一條 本章程爲定時清查戶口重定條規係按定時日調查全部戶口務期實力施行免致蹈因循之弊

第二條 清查戶口之宗旨要在分別善惡除莠安良以爲地方自治之基礎

第三條 定時清查之法分爲數種列左

甲挨戶編列門牌（另有式樣）

乙詳列調查簿（另有式樣）

一清冊送總局覆核

一草冊備分區存根

丙分區別定時清查表分二種如左

一戶口一覽表內分 街巷 門牌號數 上中下戶數 男女大小口數 並住房間

一職業分類表內分 各項職業 本籍 客籍 戶數 口數 須與前表相符

丁戶口統計年表由總局彙核編輯比較累年戶口增減多寡之數

戊於戶口統計表外應列各項分類表如左

官立 公立 民立 各學堂一覽表（內詳地名每區若干）

善堂 醫院 工廠 會館 廟宇 調查一覽表（內詳同上）

大客棧 尋常客棧 小店 調查一覽表（內詳同上）

當鋪 銀號 錢舖 調查一覽表（內詳同上）

烟館調查一覽表（內詳同上）

茶園 妓館 調查一覽表（內詳同上）

車廠調查一覽表（內詳 地名 廠名 除自置車外其營業之馬車人力車輛每區若干）

以上各項職業關於戶籍事宜編輯分類彙列總分各表以便臨時逕行調查

第四條 查各區轄界犬牙相錯戶口紛紜業經遴派委員會同該管各區勘定界線各區應一律按照勘定界內詳加視察不得稍有疏漏之虞

第五條 查各區編列門牌號數隨填聯號存根皆自第一號編起每大門爲一號每號之內如係舖戶卽以一商號爲一戶如係住戶卽以一家爲一戶通編入附號以備稽核如係後門但標明後門二字概不列號先貼紙簽門牌俟查竣將存根送總局復核再換木牌

第六條 編號查戶應先將大街查明再向每街左右小巷逐一細查其調查時刻每日以午前十點鐘起至午後五點鐘止查法從街左手起依次編號至盡處止右手亦然

第七條 此次定時清查視其何項職業別爲上中下三等類列如左

甲等戶 衙署 局所 軍營 學堂 醫院 公館 大商號 教堂

乙中等戶 客店 茶園 酒樓 廟宇 尋常小舖 平民

第八條 衙署局所應一律編列門牌號數查明自長官以下委員司事及夫役人等共數若干以備稽考

第九條 官立公立私立各學堂及軍營工廠除學生營勇工徒只查人數籍貫外餘皆清查分別記載  
第十條 凡舖戶無論華洋商賈所有東夥掌櫃學徒僱工人等應查明姓氏年齡職業籍貫並何商號行業資本若干一一詳明記載

第十一條 凡住戶無論公館民宅凡男丁皆須詳查婦女只問大小口數其口數大小之別無論男女均以十五歲以上者爲大口十五歲以下者爲小口

第十二條 查戶時應問答記載者如左

甲街巷人民住址 乙人家親族姓名年歲籍貫男女大小口數 丙僕役人等姓名來歷 丁平日有無財產生計 戊暫往他處之所在地及其事由 己居屋是否已產或租典何人皆須分別記載

庚同院何姓共幾家何時移此寓若干年 辛查客店房間容留客位幾人分常住暫住人數若干 一一記載此外另有循環簿歸該管分區隨時調查 壬查車廠時應將車輛一併查明以便較對捐冊察其有無不符之處 癸內河船戶應由河巡造冊清查不在此例

第十三條 清查尤須注意者如左

一 人民生計之多寡並鄰里之評論有無過分情事

一 往來之際是否良善之人

一 徙自遠方來歷如何行爲如何是否游手無業

一 形迹可疑及暴貧暴富者

一 衆人聚集之地及可爲游觀並類於賭博之場所

一 客棧古廟烟館茶肆酒樓飯店戲園妓寮等處有無形迹可疑之客

一 貧民流氓之寄居地或遷徙無定所之棚戶

一 門戶有暗通他處或雖不通他處而幽徑淵曲不能一目了然之地方

第十四條 以上各條均係定時清查辦法其隨時清查應照後列各項特別規定如左

甲 此次編查後應發給各該戶門牌照懸諸戶外若有遷住他處者即當報明移至何處將原領牌照繳該管分局轉呈報銷以便另換牌照發給後來住戶該居民人等倘或遷移不報一經查覺即將該居民及後來住戶各罰洋一元以示懲儆

乙 依前條現定之件凡移徙之戶一經稟報該管各區轉報總局即由該股長備載於戶口異動簿以備隨時稽核

丙 又凡人民死亡丁口當報明該管分局查明因何病故方發給出殯執照隨填聯號存根呈送總局

即由該股詳記於戶口異動簿內各該戶死亡丁口如或隱匿不報即將該家屬罰洋一元以昭炯戒而杜效尤

督帥批 詳摺均悉仰即迅速實行隨時彙齊具報此繳

銅山縣董大令繩燾蒞任求言示文

竊維州縣爲親民之官凡地方民事刑事以及學堂商務工藝巡警諸新政皆待理於州縣一人得其人則一邑之民食其福不得其人則一邑之民受其殃責綦重也漢宣帝曰庶民所以安其田里而無嘆息愁恨之聲者政平訟理也與我共此者其惟良二千石乎故循良之績兩漢稱最卽我朝

列祖

列宗勤求民隱亦莫不以州縣官爲重誠以疾痛疴癢惟州縣與民有密切之關係故歷代求治之主皆重視此職慎選其人 國朝如吳文端公瑣于清端公成龍陸清獻公隴其皆以牧令起家惠政清操膾炙人口遺徽匪遠景行良殷本縣世守硯田忝叨科第每念時局之艱難生民之疾苦撫時感事未嘗不徬徨咨嗟而長太息也茲奉憲檄來蒞是邦自慚才力薄弱謬膺繁劇之任夙夜兢兢懼滋叢脞思維地方利弊一時恐難盡知非博訪周諮不足以廣見聞而資考核昔聖門子賤宰單父師事者若而人兄事者若而人友事者若而人故身不下堂而單父治抑賈子有云知足以爲礪礪行足以爲輔助仁足以爲訪議蓋取資所在不限方隅十室之邑必有忠信十步之內必有芳草銅邑不乏廉明公正之紳練達淹通之士本地情形固應熟悉田野荒蕪何以勤修農事風氣鬱塞則宜添設學堂又地與魯豫皖

犬牙交錯民情獷悍勇於鬪毆搶劫剽掠萑苻不靖導之何術弭之何方况值災祲之後民力凋殘何利當興何弊當除所賴薦紳耆老不我遐棄惠之以言互相籌商匡予不逮揆諸儒家匹夫有責之言參以周禮鄉官議政之制官紳吏民各守權限各盡義務事奚有不治者此不特本縣所深望而亦本地之幸福也地方自治之基礎其在茲乎若夫豪奸大猾劣衿巨棍或聚衆以挾制官長或借公以冀便私圖甚至造作謠言匿名揭帖及種種不法情事乃本縣所深惡痛絕王章具在國法難寬惟有引卜氏去害羣之言守諸葛用重典之法必盡力懲治而後快譬猶稂莠除而嘉禾乃生枳棘芟而幽蘭始茂勸善尤當懲惡除莠乃能安良也至於署內上下人等幕友概屬端人家丁僅供奔走倘有託名在外招搖滋事一經發覺立予重懲本縣既爲一邑之父母必期周知一邑之事用是虛懷延訪冀得真知薦紳耆老宜體區區敷求嘉言之忱勿避嫌疑力祛壅蔽其各直陳無隱本縣有厚望焉特示

各省要聞彙誌

江甯 ●江督憲端午帥飭藩臬兩司及督練公所云查安民以察吏爲先強國以富民爲主廣興地利拊循良民力辦巡警防範匪徒均爲當今急務至各營武弁及各地地方駐紮防營本爲保衛地方而設捕匪緝盜尤屬責無旁貸各該文武允宜欽遵 諭旨痛戒因循實力奉行以副 朝廷除暴安良之至意經此次通飭之後倘再不思振奮甚或推諉貽害定當據實嚴參該司等有考查屬吏之責該

所爲軍政總匯之區務當於所屬牧令所轄營弁隨時認真考核遇有不肖員弁立即據實詳揭慎勿

稍涉瞻徇代人受過至應如何嚴定考成之處卽由該司等會議詳辦並於文到半月內具復

江蘇 ●新設靖湖通判會同太湖同知詳各憲文云伏查移駐改設事關創始既有撫治民事之責應以劃分疆界爲先曩時太湖東西兩山地面向章一切民間控訴詞訟以及巡防緝捕暨命盜雜案驗訊詳辦等事均由太湖廳轄理而西山六都三十五圖地丁漕糧則向歸吳縣經征運解辦理本屬兩岐今既奏奉 諭旨將蘇州府管糧通判移駐洞庭西山改設靖湖撫民廳治所有征糧緝捕一切

事宜歸併辦理自是事權專一洵爲因地制宜起見惟征糧緝捕事宜均係責任攸關亟宜會同明分界限劃撥清楚分晰繪造圖冊詳咨立案庶各有所專責而免諉誤現除漕糧一切另行會同吳縣逐細查造清冊分晰詳辦外查緝捕巡防責任最關重要通判等竊稽太湖圖境蓋有東西兩山對峙湖心東山卽太湖廳轄境西山卽現設靖湖廳轄境論陸地本兩山顯判尙易劃分惟湖面汪洋一片分界較難前經通判梁書祥迭次會同前署太湖同知何希曾袁世顯親詣週勘惟東西兩山湖面中央有彙山厥山兩小山堪以爲界左爲彙山右爲厥山通判等擬卽就此劃分界限作爲判界定處嗣後彙山厥山以東則歸太湖廳轄理彙山厥山以西則歸靖湖廳治理似此明定界限足資遵守而專責成抑通判梁書祥復查洞庭西山西南一帶湖面又與浙省之長興縣交界迤西又與同省宜興荆溪兩縣交界西北又與武進陽湖兩縣交界倘必紛紛會同各縣查勘界限不第徒事紛繁有需時日且各該處湖面更形遼闊度量準識劃分尤難通判梁書祥再三籌劃祇有按照向隸舟頭司巡檢分防

轄境分別酌量定界管轄以省繁瀆而免稽時此外如東北係吳縣連界又迤北漫山沖山長沙山三處亦在通判梁書祥西山轄境之內現暫仍歸吳縣征糧緝捕將來似亦應歸靖湖廳境征糧治理以清界限至東南一帶即現與同知高繼昌太湖廳劃分疆界外餘無與各廳縣毗連之處應勿庸再議是否有當通詳各憲咨部立案

安徽 ●皖北災區糧少價貴於上年十月間由撫憲恩新帥奏請將皖北進口糧食暫免稅釐二個月奉旨准行在案嗣以限期將滿各處糧價仍騰貴非常皖北災區更多有缺糧之處若遽將釐稅照常征收貧民益嗟食貴恐滋事端又經撫憲電請軍機代奏將皖北進口糧食免收釐稅展限三個月俟春賑將畢二麥將登再行照征釐稅

江西 ●江督憲端午帥照會前甯藩司李紳有稟略稱三十二年十二月二十四日承准軍機大臣字寄上諭翰林院侍講吳士鑑稟江西義甯州萍鄉縣鄰近湘省轄境太寬請析疆分治一摺著端方張之洞瑞良岑春煒體察情形會同妥議具奏原摺均著抄給閱看欽此遵旨寄信前來等因到本部堂承此當經札飭西藩司查核議詳並分別咨明在案惟原稟各節事關沿革大政攷證不厭精詳必須有熟悉地方情形講明歷史掌故之大員會同考查悉心規畫方足以昭妥慎相應照請貴紳煩為查照會同沈藩司辦理見復施行

外交

外務部奏議覆變通出使章程摺

奏爲遵 旨議覆變通出使章程恭摺仰祈

聖鑒事竊臣部前准軍機處抄交出

使法國大臣劉式訓奏請變通出使事宜一摺奉

硃批外務部議奏欽此欽遵抄交

到部臣等竊維外交爲重要之圖使才尤當務之急非出入中外無以資閱歷非設立員缺無以勵人才誠有如該大臣原奏所云不得不酌量變通者臣等參攷內外妥籌辦法敬爲 皇太后 皇上陳之原奏內稱外交以使臣爲耳目泰西駐使悉係參隨

出身擬請嗣後出使大臣專以外務部侍郎丞參及各館資深參贊開單請

簡且使

臣不必以三年爲期俾得久任三年之後給假六個月回京述職各節臣等查遣派使臣必欲其得主國之尊崇受同僚之敬慕而後可以增光壇坫折衝樽俎各國頭等公使代表本國君主秩同外部尙書二等公使代表政府秩同外部侍郎擬請嗣後 簡派各

國二等公使定爲二品實官屆時由臣部將歷充外國參贊隨員多年及通曉外國語言文字之合格人員開單請 簡三年一任任滿回國後候 旨簡用如辦理交涉得

力不妨接充聯任懇

恩晉秩增俸俾終身於外交一途以盡其才至給假休息參隨

以下本有定章嗣後出使大臣辦理交涉得力者三年任滿亦准給假回國假滿回任俾得久於其職駕輕就熟此出使大臣章程之宜酌量變通者也原奏內稱叅贊爲使臣指臂非歷練久任用專使外部與出使人員互相遷轉難遽得力各節臣等查叅領各員欲除任意調用之弊非由部內調用不可然部中缺少各館人多勢難調劑適合現擬於各使館設立叅贊領事書記通譯等各員缺皆由臣部奏補派往各館惟現在部中人員不敷奏派且臣部與各館均需熟手經理亦難盡行更換臣等商擬變通辦法咨行各出使大臣將各館通曉外國語言文字及政治法律商務理財等科研究有得人員詳開員名履歷出具切實考語送部由臣等覆查無異再行奏補各缺其不合格而實在得力者雖准保送祇能試署其餘暫准酌保外官給資回國以後使館叅領等各缺應由臣部及儲才館中合格人員調充其所遺部中各缺卽由各館中調部人員補授各館人員均不得由出使大臣任意調用三年保獎舊例亦一律停止此叅領以下員缺之宜酌量設立者也原奏內稱欲廣儲使才擬請由臣部招考世家子弟錄充外交生列名專冊以備使臣調用各節臣等查臣部前已奏設儲才館本有選派外國留學生及考驗譯學館並程度

相當之學堂之畢業學生及如何任用之法館中儲備人才原兼備調充叅隨領事翻譯

之用擬請仍照奏定章程辦理此考驗人才章程之宜酌量變通者也至其餉銀該大臣原奏所未及者臣等亦擬詳細奏陳設立定章一曰俸薪查各館發給俸薪參差不齊理宜整齊劃一嗣後出使大臣至書記官等俸薪臣等商酌參改定爲表額分別給發參領以下各員如任職三年著有勞績而未及升轉者准照表額加給庶俸額高下亦可以鼓勵人才一曰員缺查現在設館派使者東西共計十國設立分館兼使辦理者共計五國內英法德俄美日本六國通商既久交涉日繁擬請設立參贊通譯官書記官商務委員共七員至所屬應設之總領事交涉商務委員領事副領事等仍照舊例設立奧義比和四國交涉稍簡擬請設立參贊通譯官書記官商務委員共四員至日葡古墨秘五國現設分館擬請設立參贊通譯官書記官各一員如設有領事副領事者由臣部酌派該分館人員兼理不足再由臣部酌添以後如遇出使大臣更換時所有各員必須熟習公事及諳曉所駐國之通用語言文字如一時未能足額准以臣部諳練公事人員前往試署俟遴有合格人員再行逐漸抽換至所派武員業由陸軍部奏定酌派自可無庸由臣部派往所有俸薪員缺額數另繕清單恭呈

御覽伏候 欽定再行分別辦理至經費一項擬由臣部詳細酌定另行具奏此外如有未盡事宜臣等當隨時商酌請 旨

遵行所有議覆變通出使章程緣由理合恭摺繕單具陳伏乞

皇太后 皇上

聖鑒謹 奏光緒三十二年十二月十二日奉 硃批依議欽此

變通出使章程清單

員缺 頭等出使大臣 秩一品 二等出使大臣 秩二品 三等出使大臣 秩三品 頭等參贊

秩三品 總領事 秩四品 二等參贊 秩四品 頭等通譯官 秩五品 領事 秩五品 各

館商務委員 秩五品 三等參贊 秩五品 二等通譯官 秩五品 副領事 秩五品 一等書

記官 秩五品 二等書記官 秩六品 三等書記官 秩七品 英法德俄美日本 以上六國通

商日久且多交涉擬每館設二等三等參贊各一員二等三等通譯官一等二等書記官各一員商務委

員一員共計七員至所屬應設總領事副領事仍照舊例以後如須添設再行酌辦 英南斐洲總領事

新加坡總領事檳榔嶼副領事 俄海參崴交涉商務委員 美金山總領事呂宋領事紐約領事檀香

山領事嘉里約領事 日本韓國總領事仁川領事釜山領事甌南浦領事橫濱領事神戶領事長崎領

事元山領事 以上總領事館擬設通譯官一員書記官二員每館計三員所屬領事仍照舊例領事館

擬設二等通譯官一員二等書記官一員每館計二人事繁者准酌添三等書記官一人副領事館擬設

二等通譯官一員二等書記官一員每館計二人 奧意比和 以上四國交涉稍簡擬每館設二等參

贊一員二等通譯官一員一等二等書記官二員共計四員 西班牙 葡萄牙 古巴 墨西哥 秘

以上五國皆由兼使辦理設立分館每分館擬設二等參贊一員代辦使事二等通譯官一員二等書記官一員如設有領事副領事者即由部酌派通譯官書記官兼理不足則由部臨時酌添 商務委員 各使館專派一員稽查外國商務及金銀市價隨時稟報本部農工商部 醫官由本部咨取各省醫學堂卒業生酌量派往或由出使大臣自行選調帶往 供事由出使大臣向本部咨取派往 以上二項三年期滿後准由出使大臣酌保外官但不得保本部及使館官職 月薪 頭等出使大臣一千四百兩 二等出使大臣一千兩 三等出使大臣八百兩 頭等參贊五百兩 總領事五百兩 海參崴商務交涉委員當時即按照總領事章程辦理現正議改爲總領事名目品秩應與總領事同 二等參贊四百兩 頭等通譯官四百兩 領事四百兩 三等參贊三百兩 二等通譯官三百兩 副領事三百兩 一等書記官三百兩 三等通譯官二百四十兩 二等書記官二百四十兩 三等書記官二百兩

### 補錄交還營口條約

爲營口地方由日本交還清國管理遵照清日兩國政府於華歷九月日曆十月在北京所訂另單四款辦理由兩國政府特派委員在營口會同商議所訂之條款如左

一按北京所訂另單第一條載明營口地方於日本軍隊未撤以前凡關於驗疫防疫等事應由地方官與日本領事官商訂章程等語現經兩國委員商定暫時即按日本軍政官所訂章程辦理倘日後查

有應行更改之處卽由地方官會同日本領事隨時商改俟日本軍隊撤後卽由中國地方官自行主持辦理

一按北京所訂另單第二條載明凡於軍政時代內所有業經開辦或已籌畫而未經開辦之公益事宜應由地方官接辦或已允准其承辦等語查日本軍政官前已允許日清合辦株式會社開辦營口自來水電氣車電氣燈電話四業現經兩國委員商定自來水電氣車電氣燈可由該會社承辦但須將該會社原訂一切章程呈送北京應管之部立案倘該部檢查此項章程有應行更改或應添減之處該會社允爲遵照辦理電話一業應由中國電報局收回自辦卽由該局與該會社彼此各派一員會同查看該會社在營口已經置備所有電話產業估價照購倘彼此委員意見不同應由該局與該會社隨時公舉一局外之公正人由伊定奪彼此遵守

屠獸場一事應由衛生局接辦至如何估價購買卽照電報局承購電話方法辦理  
由營口至牛家屯之輕便小鐵道俟電氣車鐵道工竣卽行撤去

凡關乎公益土木工程由日本軍政官開辦或已籌畫而未經開辦者中國地方官允照接辦完工

一按北京所訂另單第三條載明警察及衛生事務應歸中國地方官管理務期盡善以保公共治安爲之兼用日本警察教習及醫生如未盡妥洽之處日本領事官可告知地方官隨時酌辦等語現經兩

國委員商定僱用日本警察教習及醫生除薪水外一切章程均按照天津僱用日本警察教習及醫

生一律辦理倫日後警察衛生辦理有未盡妥洽之處一經日本領事官函告應由地方官隨時酌辦  
一凡軍政時代內所判斷訟事案件無庸中國地方官再爲提審所有判斷案件並登記等一切文卷應  
由軍政官移交地方官存案此項案卷另由軍政官備繕一份移存駐紮營口日本領事官署

一按北京所訂另單第四條載明海鈔兩關事務等語現經兩國委員商訂稅款儲存營口正金銀行如  
何辦法應由該管之地方官與正金銀行彼此酌訂

一日本軍政准於光緒三十二年十月二十一日明治三十九年十二月六日全行撤去

光緒三十二年十月二十日

明治三十九年十二月五日

大清國委員

大日本帝國委員

各省要聞彙誌

京師 ●駐京俄使樸科第君日前照會外務部據稱現駐哈爾濱莫斯科聯隊已一律撤回其餘吉林  
寬城子各處駐軍亦定於正月十七日（華歷）照約全行撤退等語政府當即飛咨馬軍門玉崑將  
所統之陸軍十二營迅速開往以便俄軍退後彈壓地面

江蘇 ●滬道瑞觀察日前詳稟江督略謂滬關稅務司前擬寬展大輪停泊界限曾經職道稟奉外務

部電復飭與稅司理船廳妥定限制商訂章程業經節次磋商酌議三段辦法（第一段）自白蓮涇港起至製造局船塢止祇准應須入塢修理之船暨已卸空而不起下貨物船隻在江心停泊（第二段）自南碼頭起至白蓮涇港止祇准裝載木植暨煤炭兩項船隻在江心停泊起下貨物（第二段）自十六舖橋起至南碼頭止該段內之浦東一面所有各碼頭均仍准其照舊停泊起下貨物如遇有另造碼頭情事須先請由該管領事照會監督查核辦理其浦西之南市新馬路沿浦一帶不准洋船暨各大輪靠攏碼頭稅司將以上三段辦法在加展泊界圖上分註明白送交各國總領事察閱均各認可茲特檢呈圖說具文詳送仰祈咨達外務部存案備考並乞批示

江西

●九江道汪觀察瑞閩前日因英國耶穌教會擬在廬山牯牛嶺地方建造惠愛醫院特詳請贛

撫核示當奉批示云查接管卷內牯嶺公司租地前經議定四區合約內聲明定界之後公司不得再議擴充亦不得稍有佔越等因前據德化縣稟耶穌教會頃置磚窰二處擬造惠愛醫院經吳前部院批飭該地既經勘明在四區租界之外照約應不准擴充未便因係善舉自紊其例又據該道稟稱美教會請於牯牛嶺華界之處造一醫院專醫華人亦經吳前部院批飭與英國耶穌教會請設惠愛醫院事同一律未便違約照准致涉兩歧各在案茲詳前情所叙倭領事函稱公司原議無越阻教會之權西人入內地修設禮拜堂醫院約章具有明文等語查牯嶺公司租地一事起於英教士李德立成於英牧師楊格非是該公司議租之地即多教士原租之地而又加以擴充始有四區之界檢閱該公

司合約並無界內各地不租教會之語使估嶺未立租地公司則教會議建醫院自可照約酌辦今該處明有勘定准租之區且區內又明有尙未繳租之地乃該教會舍租界而請造於華界是於四區之外有所佔越試思前由教士租地而後立公司今又舍公司而別思佔地自不得謂與該公司原議無所違礙更不能與西人入內地修設禮拜堂醫院之約章相提並論蓋情形既有不同自難曲徇其請所有耶穌教會擬於華界修建醫院之處實屬礙難照准仰洋務局會同布政司轉飭該道知照飭遵並遵吳前部院迭次批示辦理

廣東

●太平洋德屬奴拉島地方出有燐產前年經德人勘悉並由德政府核議准集公司承採是項燐產擬由汕頭招華工前往照從前薩摩島章程辦理當由惠潮道沈傳義觀察稟經前督岑制軍核辦另訂章程二十一款日久議未就緒現周玉帥以此項章程尙恐將來有苛待流弊續添四款飭沈觀察與德領事磋商沈觀察接奉後即將工章二十五款與德領事竭力商議均已承允並聲明如將來部中或有增改再行照會領事加入更正聞沈觀察已將工章改訂妥洽情形電告督帥督帥即令先行電知外部然後備文咨呈核准

### 各國要聞彙誌

文滙報云柏靈電日俄戰時俄國軍艦曾擊毀德國克伊爾之的德克山公司之輪船提亞號今由黎包捕拿裁判所判定賠款若干與該船主人以償其失

字林報云神戶西報載倫敦電萬國和平公斷會以外間謠傳德法俄三國以討論弭兵一問題現尙非其時特通告英首相貝南門注意並力請英首相將此問題交萬國和平會於海牙開會時討論該會之所以贊成此舉者因英國政府之意尙以謂海權之強如英美亦當研究此問題今德法俄三國無論其陸軍如何強大果何爲而干涉此問題耶英首相答稱德法俄反對討論弭兵問題尙未接得公牘余固甚願將此問題交海牙和平會辯論也

倫敦電云路透電報經理人深悉英俄兩國議約雖未能謂已有定議然其協商則頗有進步因兩國已會同借款與波斯雖波斯國辭而不受然於兩國彼此因應之近狀固無碍也且英俄兩國議約既有進步日俄兩國約事亦可和衷熟商就緒矣

學部奏請派員赴美籌辦學務摺

奏爲擬請派員赴美籌辦僑民興學事宜恭摺仰祈 聖鑒事竊近年以來屢奉

明詔普興教育京外各學堂次第舉辦固已略具規模而海外僑民同是 朝廷赤子

其平日倦懷宗國歷久不渝若再牖之以詩書勉之以忠孝則內嚮之意益篤愛國之忱

益堅於以維人心而收國權所關實非淺鮮查美洲華僑之數當光緒八九年間約三十

餘萬人十八九年間減至二十餘萬人迨二十九年以後僅有十餘萬人皆自禁工之議

起所以限制華民入境者禁嚴卽僑居已久者亦不得享同等優待之利益近日美國重

申阻止亞洲幼童共校之禁紐約各埠華商屢電臣部籲求救援想見流離無告窮則呼

天之情殊堪憫念臣等日夜焦思謀所以維持之法舍乘時勸學速興教育無從措手謹

熟籌利害爲我 皇太后 皇上陳之查華人之在美者大都習於工商實業勤

儉耐勞終歲所贏輦回中國通商漏卮得以稍資補助比年工商實業日卽衰微固由苛

例使然亦由華民漫無學識未能競進及今不圖再閱十年恐知識愈加桎梏生業愈形

彫敝可爲長慮若施教育以擴其知識操業日精生計自裕生齒亦孳而愈繁其利一也

近年華人入美國專門大學肄業者甚多大率內地人士稍具根柢者始往游學而華僑子弟能入美國大學者殊爲罕覯間有其人亦以生長外國於宗國文化遺忘已久於國事更漠然若忘縱使學業有成亦終於楚材晉用爲外人所驅使若施教育以發其愛國之心俾知孔教淵源累朝恩德自可默相維繫收爲我用其利二也况近年異說朋興邪慝之徒流毒海外華僑之稍明忠孝大義者固不至爲其所誘而勞力小人未嘗學問往往爲所煽惑不能辨其是非滄海橫流罔知所屆尤不可不預爲之防若施教育以端趨向而正人心俾知朝廷覆載之恩無遠弗屆海外愚氓斷不忍自外生成其利

三也夫以教育不興則害如此教育興則利如彼惟有派員赴美宣布朝廷德意指

陳教育宗旨爲今日萬不可緩之圖然非得有忠實可靠之人素爲旅美華民所信服者亦恐無濟茲查有內閣侍讀梁慶桂係廣東番禺縣舉人學優品正鄉望素孚堪以派往美國各埠經理其事所有調查學童勸勵紳董儲備教員編設學科補助經費應如何妥籌辦法之處均由該員隨時隨地呈報臣部核辦至該員往返川資抵美後所需費用概由臣部發給如蒙 俞允并懇明降 諭旨宣諭華僑務以忠君尊孔爲宗旨使該

僑民知身居海外仍在 聖朝軫念之中庶幾因感生奮愈以勤學問篤悃忱於維繫

人心潛消隱患不無裨益所有派員赴美籌辦學務緣由是否有當謹恭摺具陳伏乞

皇太后 皇上聖鑒謹 奏光緒三十二年十二月初六日奉 旨依議欽此

江督端蘇撫陳奏籌撥京口駐防各學堂經費以宏教育摺

奏爲京口駐防各學堂籌撥經費以宏教育而資持久恭摺具陳仰祈 聖鑒事竊臣端方於三十年十一月間調任湖南巡撫交卸江蘇署撫時會同護理撫臣效曾合詞 奏明推廣京口駐防舊有之中學堂兼增設實業學堂及蒙小學堂俾教育一事滿漢不致偏枯旗民均可普及又以駐防旗營限於經費經與司道籌商在蘇州銅元局餘利項下每季撥銀六千兩專爲擴充學堂之用其學堂課程規則由奴才端方爲之釐定並派明習學務之員會同該營協佐安爲經理同日附片陳明在案本年九月間臣端方到任後派員考察學務京口所設立之中學堂一所兼習英文東語科目完全附初等小學堂四所兼習清文一科仍寓不忘根本之意皆有兩年程度管理教授均甚合法工藝蠶桑傳習所一所規模亦頗粗具並擬再加擴充隨營學堂一所於肄習武事之餘求有勇知方之略女學堂二所立家庭之模範爲姆教之權輿皆有可觀漸臻進步惟是蘇省銅元業經停鑄經費無出匱乏堪虞不爲另籌勢將中輟再三綜核力求撙節每歲非有的款一萬六千兩不能支持前由常鎮道於鎮關稅罰款內提撥三千兩現擬將該關罰款每年再請提撥三千兩所短尙在一萬兩之數疊經常鎮道詳請前來現飭上海常鎮兩道分認籌撥作正開銷庶幾勉力撐撐不致半途廢輟總期人無不學兵盡知書以仰副 朝廷眷念

八旗作育人材至意除咨度支部學部備案外所有籌撥京口駐防各學堂經費情形謹合詞恭摺具陳  
伏乞 皇太后 皇上聖鑒訓示謹 奏光緒三十二年十二月二十七日奉 硃批該部知道欽此

補錄學部改定各學堂考試新章

凡學堂考試分五種一曰臨時考試二曰學期考試三曰學年考試四曰畢業考試五曰升學考試  
臨時考試者每月一次或間月一次由各教員主之無定期亦無升降賞罰此教員自以所講授之科學  
驗學生學力之等差以定其分數者也

學期考試者每半年一次由本學堂監督堂長會同各教員於暑假前行之此學堂彙全班學生而甄別  
之以施其沙汰者也

學年考試者每一年一次由本學堂監督堂長會同各教員於年假前行之分別升級留級此學堂統學  
生一年之成績而考較之以定其級數者也

以上各項考試皆學堂自行辦理考畢由監督堂長彙齊各科學分數榜示學生

畢業考試者因學生畢業而授以文憑以表明其爲何等程度之學生使將來別就職業時有所考證其  
事較重凡中學以下之學堂除初等小學畢業由本學堂自行考試外高等小學畢業中學畢業概由  
本學堂呈請所在地方官長會同學務官（中學畢業會考之學務官以各省議長議紳暨提學使司

所屬深長副課長課員省視學爲首選有學部諮議官學部視學官在該處之時亦可會同學式官等

所屬課長副課長課員省視學爲宜遇有學部詳議官學部視學官在該處之時亦可會同考試高等小學畢業會考之學務官以縣視學勸學所總理爲宜遇有上開各項學務官在該處之時亦可會同考試一教育會人員一教育會人員以會長副會長爲限一暨本學堂人員等蒞之其不能備有各項人員之地方於地方官學務官教育會三項人員中得有二項人員即可舉行畢業考試

初等小學高等小學暨中學畢業既經舉行畢業考試之後由本學堂彙造學生名姓年歲籍貫二代分數清冊在京師者呈督學局備案在各省者呈由本管地方官轉詳提學使司備案

高等學堂畢業在京師者呈請學部考試在各省者呈請提學使司轉詳督撫督同議長議紳暨教育總會會長副會長考試一遇有學部一等等諮議官學部視學官在該處之時亦可會同考試一

大學堂畢業在京師者由學堂呈由學部奏請 欽派大臣會同考試在各省者由本學堂呈請提學

使司轉詳督撫將畢業學生咨送學部奏請 欽派大臣會同考試

此畢業考試先期由本學堂將畢業學生履歷冊功課分數冊請假曠課冊各教員科學講義所用教科書籍學生筆記成績一如日記課卷算草畫稿圖稿之類一彙具齊全高等以上學堂呈送學部或各省提學使司中學以下學堂呈送督學局或地方官由所呈請之衙門會同各項人員定期考試所定試期至遲不得逾該學堂冊籍送到後一個月之內外卽就該學講堂按照所有學科分日考試於每學科講義中擇其精要者發問或筆述或口答及問題多少並應體察學科情形授課鐘點酌定其原

有經史課目之學堂就該學堂所授經史考驗其因學生肄習經史在前未訂經史課目之學堂加試經學一題中國史學一題中學以上之學堂畢業考試中國文學一科應試二題一題就該學堂主要科命題觀其知識能否貫通一題就中國經義史事命題觀其根柢是否深厚其分數作兩項計算與各科學平均每科學分數均應按照所發問題先各記分數再彙爲某學科分數（如一科學發十問各問皆滿格則每問十分共百分其發問或多或少均按照所發問題就百分勻分核記其所發問題有難易或由考試官指定每問記若干分者卽不勻記亦可）再將各學科分數彙齊平均爲畢業考試總平均分數再將畢業考試總平均分數與該學生在本學堂歷期歷年考試各科學之總平均分數相加而平均之爲該學生畢業分數以定等差按分數等第由本學堂發給文憑（初等小學由本學堂考試者同）

凡各省中學堂高等學堂畢業現行章程定有獎勵者既經畢業考試之後除由本學堂發給分數等第文憑外呈由提學使司按照畢業分數分別等第詳請督撫咨明學部照章奏請獎勵

大學堂各分科選科畢業（實科應比照高等學堂辦理）經學部奏請 欽派會考大臣會同考試之後其應照章獎勵者由學部帶領引 見奏請明降 諭旨以示優異游學畢業考試準此惟非在外國大學堂及高等學堂高等專門學堂畢業者不得與試

通儒院畢業以平日研究所得之各種著述呈大學堂總監督由總監督與分科教員公同評論定其分

數咨呈學部確加覆核分別等第將其著述進呈

御覽恭候

欽定獎勵錄用

凡畢業考試以通計各門分數滿百分者爲極則滿八十分以上者爲最優等滿七十分以上者爲優等滿六十分以上者爲中等不滿六十分者爲下等不滿五十分者爲最下等考列最優等中等者照章分別給獎考列下等者給及格文憑考列最下等者加給修業文憑給修業文憑者不得與升學考試此外考試皆以百分計算由教員將臨時考試所記分數與平日所暗記之分數參互酌定分別冊記與學期考試或學年考試平均計算學期考試所記分數除不滿二十分者令其出學外凡在二十分以上者俟學年考試時以學年考試分數與學期考試分數平均計算均平分數在最優等優等中等者均升級下等者留原級不滿二十分者出學（此指一年一學級之學堂言之其一學期一學級之學堂卽以學期考試分數等第分別升級留級）

凡學堂考試學生有因事未與考者應卽留級歸入下次考試彙考不得因少數學生補行考試其現在未備級次之學堂平日未經舉行留級辦法者所有學期考試學年考試如學生有一二次未與考未記分數者無論因何事由應將該學生平日所有分數相加按所有學期平均（如六學期祇應五次考試應將所有分數六除之類其臨時考試未與考者於學期考試學年考試時照此辦理）其與考而平日曠課過多者除父母之喪例准給假（給假期限各按照本學堂現行詳章）無庸扣算外每曠百小時減本學期總平均分數五分

凡各學堂所記學生品行分數中學以下學堂於學期考試學年考試時所記品行分數與修身科分數平均爲修身科分數高等以上學堂於學期考試或學年考試時以所記品行分數與人倫道德科分數平均爲人倫道德科分數不必另立一門

凡中學以上各學堂畢業核算分數評定等第除各就平均分數分別等差外如所習科目畢業考試分數有兩科不滿六十分或一科不滿五十分者均不得列最優等有兩科不滿五十分或一科不滿四十分者不得列優等其分類教授之學堂所習選科或主課有一科不滿八十分者不得列最優等有一科不滿七十分者不得列優等

凡各學堂所發文憑兩等小學但載平均分數中學以上各學堂及與中學以上程度相當之各種學堂均應分載各科學分數並載平均分數兩等小學堂文憑本學堂堂長列名簽押呈該管官衙門蓋用印信中學以上各學堂及與中學以上程度相當之各種學堂本學堂監督教員暨會同考試之學務官一員簽押並呈由該管官衙門蓋用印信（其本學堂具有成案准用關防或鈐記者自行鈐用無庸該管衙門蓋印）

升學考試者本學堂既已畢業升入程度較高之學堂以期循序深造初等小學畢業升入高等小學高等小學畢業升入中學中學畢業升入高等學高等學畢業升入大學概由所升入之學堂自行考試分別去取以期程度齊一其初等小學畢業不願升入高等小學高等小學畢業不願升入中學中學

畢業不願升入高等學高等學畢業不願升入大學堂不必與升學考試至通儒院所以待雋異之士篤志好學者研求各專門之精深義蘊願否升入聽其自便毋庸考試

初等小學畢業學生除升入高等小學外可升入初等農工商學堂高等小學畢業生除升入中學外可升入中等農工商學堂初級師範學堂中學畢業生除升入高等學外可升入大學豫備科大學實科高等農工商等學堂優級師範學堂京師譯學館外省方言學堂

高等小學中學暨與高等小學中學程度相等之學堂遇舉行升學考試之時應將所升入之學生姓名年歲籍貫三代及由何處初等小學畢業或歷由何處初等小學及高等小學畢業彙造清冊在京師者呈由督學局備案在各省者呈由本管地方官申詳提學使司備案每年年終由督學局及各省提學使司彙造清冊再詳報學部

高等以上各學堂及與高等以上程度相等之各種學堂遇舉行升學考試之時應將所升入之學生姓名年歲籍貫三代及歷由何處學堂畢業彙造清冊在京師者呈送學部備案在各省者呈送提學使司彙報學部備案

初等小學堂收入學生及現在各種學堂招取學生均應於收招時造具姓名年歲籍貫三代清冊各按學堂等級比照上開升學考試應行呈報之處呈送備案

凡各學堂畢業生即升入本學堂高等學級者如兩等小學堂初等畢業升入高等大學預備科畢業升

入大學之類其升學考試仍由本學堂辦理

本章程未經指明之各種學堂所有考試各按程度比照辦理

### 各省要聞彙誌

京師 ●學部咨行各督撫速辦初等中等高等實業學堂及藝徒學堂如有捐助此項學堂經費者並准照章從優給獎統限六個月辦成咨部立案

江蘇 ●蘇提學周少樸學使詳請督撫兩院擬將師範學堂查照學部章程招足額數以廣師資其餘如高等及中小學堂亦擬加設學額次第擴張至初級小學城內雖已設有二十區擬令開足四十區外府州縣則飭令各該地方官認真興辦中小學堂俾能普及業經兩院批准飭令照辦

安徽 ●安徽提學沈子培學使蒞任後卽飭遵章設立學務公所並選員紳充該所參議茲就本署內建立公所將舊有之學務處歸併旋又札委郭守振鑄管理該所總務會計各課長提學署內各書吏舊有之各項陋規亦已屏絕沈學使恐仍有人在外冒名詐騙有礙學務特出示嚴禁

江西 ●省城各學堂教習前所創設之師範速成科茲該科擬易名爲師範簡易科並推廣學額添設體操一門因原借天后宮官立北區初等小學堂齋舍不敷現議另賃適宜房屋以爲學舍

浙江 ●浙屬象邑官紳會議開辦勸學所於去臘籌定借撥縣學賓興公田歲入租息六百元爲開辦經費勘定象協汪副將生祠爲學基舉定陳孝廉漢章爲總董並派宣講員兩人常川住所以資勸導

已於正月望前開所

陸軍部咨江督文 〔爲奏准變通差官期滿章程事〕

爲行文事所有本部奏請變通差官期滿章程並飭取各省武舉以備充補差官一片於光緒三十二年十二月初二日具奏奉 旨依議欽此相應鈔錄原奏行文該督欽遵辦理可也

計抄片稿

再查臣部額設差官三十四名遞送一切緊要文報遇有缺出隨時由備用及投供人員擬補歷經辦理在案惟近來多期滿人員多因無力留差而投供候補者亦甚寥寥推原其故實由於此項人員在部當差均係自備資斧期以三年始獲報滿無力者因之各懷觀望以致差缺多懸無從擬補若不量爲變通似不足以示鼓勵且與遞送文報諸多窒礙擬請嗣後投供人員自充補差官之日起扣足二年卽作爲期滿由臣部照章辦理如有呈請留差一年者仍准其指省分發作爲儘先按到標先後與各項儘先人員挨次序補如此稍示變通庶足以昭激勸而勵將來如蒙 俞允請 旨飭下各督撫卽將在標武舉咨送數員迅速赴部以備充補謹附片具陳伏乞 聖鑒訓示遵行謹 奏

節錄蘇省督練公所詳蘇撫文（爲釐正奉部指駁編練新軍各節事）

查抄摺稱藩臬兩司職任均極繁重委充督練公所參議恐已難統顧兼籌復令兼攝參謀而參謀又以兵備教練兩總辦兼攝權限既慮不清責成尤無專屬等因查參謀一差前雖暫經以兵備教練兩處總辦兼攝自本年八月卽奉憲臺分別札委各專責成已與摺中所言若合符節至兩司應否兼充參議在憲臺自有權衡非職道等所敢擅議抄摺又稱大隊中隊定章所無如以他國大隊中隊之名攙入該省陸軍之內未甚相宜應令先照章設馬礮隊各二隊工輜各一隊俟籌款漸裕再擴充至馬礮隊一營工輜各二隊以合混成協之辦法等因查一協支配兵種之制除步兵兩標外原宜設馬礮各一營工輜各二隊祇以蘇省財政支絀擬先練一隊以爲基礎俟財力稍裕而後再圖擴充現既飭令先設馬礮各二隊工輜各一隊自應遵照辦理陸續建設至大隊中隊偶引他國名稱實未援此標立名目以後自當確守章制以免紊雜又抄摺稱定章陶鎔將才之法應設講武堂教育日兵之法應設學兵營該省舍此另設研究養成兩所辦法未免參差應令將兩所改爲講武堂學兵營等因查兵事研究所弁目養成所係仿照南洋辦法爲一時權宜之計現既奉飭改爲講武堂學兵營已將該兩所暫行停止另行妥議講武堂學兵營章程剋日請款辦理又抄摺稱教練處所設兵監名目應改爲步馬礮工輜各科及延用外國軍官應令先咨由部酌核暨憲兵隊衛生隊軍樂隊應將詳細辦法報明各等因查教練處各兵監名目現已遵飭一律改名爲科至延用外國軍官一層前因開辦兵事研究所以武備學堂教習日本少佐櫻

木耕一願爲代盡義務故聘爲該所正教員旋因武備學堂改爲陸軍速成學堂功課繁重未克來所教授即經改委公所科官代理現兵事研究所既經停辦自應毋庸置議以後遇有延用外國軍官自當詳請先行咨商大部以昭慎重至軍樂憲兵衛生三隊曾聲明次第做行查軍樂隊係遵奏定章程按照一協支配樂兵之數挑選兵士於四月間送往甯省軍樂隊內附學已於十一月間畢業回蘇惟該隊雖經成立學習時期究屬短少所學未深尙宜力求進步以資合用憲兵隊前曾擬具試行章程詳奉憲臺批示兩標兵士訓練未久程度尙淺驟擬設立憲兵未必即收服從效果辦理轉多窒礙等因以故暫從緩議至衛生隊係專門學術必賴有專門之人材始堪佈置一切一時遴無其人尙未籌設現奉飭取辦法應仍請與憲兵隊均待相度情形延攬人材次第舉辦一俟成立後再將各項詳細辦法一併詳請咨送所有奉飭釐正各條理合核議詳復

### 南洋新定見習士官暫行條例

#### 第一章 宗旨

一見習士官爲備補將校之用故在營見習必以研究教育實行內務爲主

#### 第二章 資格

一宜派陸軍速成學堂畢業者補充其僅於軍隊曾供差使而於軍事實無所知者不得派充  
二各省武學堂畢業生來甯投効一時無缺可委者可擇尤派充見習士官

### 第三章 部署及辦法

一全鎮見習士官現暫定□□名其每標應派若干名由統制察看酌派（大約每隊一名藉以練習及升遷若人數過多或士官缺乏時不在此例）

二見習士官暫分三等其額如左

一等見習士官十二名

二等見習士官二十七名

三等見習士官二十四名

三各等之執務大約如左

一等者專見習軍隊之指揮及將校之服務並幫同排長教育新兵

二等者於見習外尚須學習功課

三等者因學力不足在營補習其章程另詳

四見習士官期滿辦法

一見習期滿各標（營）教練官或督隊官及訓育主任之隊官製成績報告書一通並堪任官長保證書一紙申送該標（營）團隊長團隊長據此書紙再行聚集全標（營）官長會議以決可否

二團隊長預製選舉報告書一冊全標（營）各官長將其可否之意見及理由自行寫入並署名

姓名於上惟教練官（或督隊官）及訓育主任之隊官既經呈有保證書不在此例

三各標（營）團隊長就選舉報告書中全標（營）各官長之意見製成選舉報告表一紙並成績表保證書等一併申送（協統）鎮統（獨立標營直接申送鎮統）轉移督練公所教練處酌量升補司務長排長

五見習士官之階級同司務長其服裝亦與司務長同惟於領邊附以徽章以示區別

#### 六罰例

一見習士官有不守軍紀敗壞名譽者應隨時報告統制撤銷斥退不准再在本鎮當差如過失較輕者可酌收悔過室仍准留營見習

二見習士官有犯小過收悔過室後再行察看如實不勝士官之任可改爲見習下士留充下級幹部之用

#### 第四章 教育

一見習士官之教育由各標（營）團隊長及教練官任其責務使各種演習之實施詳審精密俾其學力歸於實際而不流於虛浮其教育之順序與教育官長同

#### 二學術

術科

隊附勤務

學科

冬季作業

講話

兵棋

地形測量

現地上之講話

圖上之戰術實施

第五章 給養法

一見習士官之薪水約分三等

一等每月給十兩

二等每月給八兩

三等每月給六兩

二見習士官其因過犯改爲下士者減薪水二分之一

三全鎮見習士官薪水由鎮司令部具文赴財政局領出發給如所派尙未滿額應隨時扣贖呈繳仍按

各省要聞彙誌

京師 ●現在陸軍部與民政部會商擬將各省陸軍歷次退伍之兵有不願歸鄉務農者即咨回本省改練巡警願歸鄉者聽之民政部已照允矣

江甯 ●南洋陸軍步兵本設有隨營學堂選擇青年兵士具有普通智識者教授之附屬於三十五標現督練公所以各兵於各種專門之學甚付缺如不敷第九鎮及混成協將校之用決定增設騎礮工輜各隨營學堂俾宏造就

江甯 ●兩江教練處以礮兵爲全軍主力關係最爲重要現由教練陳總辦計畫擬遴選曾經講求專門礮學之武員派入製造機廠遇事講習凡藥彈原料鍊鋼法門以及遠力速率種種原理拆卸保存種種方法無鉅無細期於明了精透而後已或即充爲廠中執事員司或與工匠同事工作則在於各武員性之所近任其自擇總之經此一番實驗後証以平時所聞之學理體用兼備庶幾辦有成效將來礮兵武員必須歷此一階級方稱合格

江蘇 ●督練公所教練處文案樊肇元大令現經三處總辦詳請撫院以該令熟悉軍務深諳法律請添委爲陸軍正執法官以資整飭

安徽 ●督練公所以訂購新軍器械具詳皖撫略謂混成協需用器械現職處會同藩司擇要置辦向

上海榮華洋行訂購步馬槍兩項子盒暨番布背囊皮帶馬刀等件計折實價規銀二萬二千三百零四兩八錢六分並向信裕公司訂購三四磅兩項毛毯及褥單布枕計折實價規銀一萬一千七百七十四兩四錢九分並議明貨須名廠制辦價係分批交付與訂合同藉資憑信惟查第一批各按照全價四分之一目前即須支給擬乞札行藩司如數核發隨後分批各款並由該司按期備交以便轉付廣東 ●粵督周玉帥近以桂省時事甚爲艱迫外則強鄰環向內則匪患時發情形在在可慮而該省現辦新軍不過龍州邊防籌練新軍二營其中組織亦未完備似此防備空虛自非與桂省文武力任其難速籌鉅款趕練新軍不可因特飭兩廣督練公所籌議條款詳報並咨請署桂撫張堅帥就粵東西兩省適中地方特開兩廣軍事會議即由所派員前往約期會議一切

### 各國要聞彙誌

英國海軍預算表已減英金一百四十二萬七千零九十一磅兵士則減去千名造新艦之費預定八百零十萬磅千九百零六年則有九百二十三萬五千磅又建新艦兩艘稍大於德雷諾艦亦在此預定費之內倘海軍各國不能在弭兵會議妥事宜則此等戰艦必須建造三艘此外又造行駛甚速之無甲巡洋艦一艘出洋滅魚雷艇五艘魚雷艇十二艘海底潛行艇十二艘

字林報云東京電法國將派陸軍士官來日本研究陸軍事宜

文滙報云柏靈電德國將於夏間遣巡洋艦阿科納號往遠東

# 財政

## 蘇撫陳奏撥濟學務款項摺

奏爲蘇省學務需款照章飭由司道庫局分等撥濟恭摺仰祈 聖鑒事竊照署江蘇提學使周樹模到省飭赴新任業經附片 奏報兩月以來臣督飭將學務事宜認真整理已辦者力求進步未辦者亟圖舉行務期規制漸宏造就日廣惟是蘇省財力困難學務用款向恃銅元餘利藉資提撥不敷則由司局分籌自銅元停鑄餘利無著凡遇應放款項均係設法挪墊並無指定的款及今羅掘已窮無米之炊勢難終日查前准學部咨奏定續擬提學使辦事權限章程內開提學使於通省學務用款除會同藩司籌畫外其鹽運司鹽糧關道以及稅釐銀元銅元各項局所但有經理財政之責者均應合力通籌詳請督撫核定又准學部咨行舊日撥定學務款項應一律照舊撥充提學使到任以後應如何續籌之處須會同全省司道就各省進款情形通盤籌畫詳請督撫辦理各等因均經轉行遵照在案茲據提學使周樹模詳稱省城學務公所業已組織成立議長議紳及各課長辦事人員亦經分別奏派照委各專責成第常年所需款項亟應預算成數詳請籌撥俾資應用除向由司局認定逕行放解各學堂以及大學堂學生津貼籌款約共

南洋官報  
銀八萬兩應照舊撥充不計外所有蘇省學務處隨時請撥之師範學堂經費初等小學堂經費及京師大學堂游學預備科各津貼並籌備擴充各學堂暨添購儀器各經費每年約計需銀十二萬四千兩皆係按期應放之款現在必須照放此外新奉部章東西洋游學經費均比原案加多約計每年需銀三萬六千兩學務公所經費司局原解每年二萬四千兩尙須添籌銀一萬二千兩通共計算每年除閏非籌有的款十七萬數千兩斷不足以資應付自應查照部章凡係經理財政衙門局所合力通籌詳請酌量勻派分定期限飭自三十三年正月分起按期撥解遇閏照加其向由司局經放之款照章仍舊撥充並請 奏明立案准其作正報銷以期各無推諉等情前來臣查該提學使所陳豫算需用各款按之學務處從前用項多係原有開支此次加增爲數有限學務爲育才要政朝廷特設專司爲提倡擴充之計斷不容因陋就簡視爲緩圖惟銅元停鑄頓少大宗的款不但無資推廣卽固有之經費亦託空言疊與司道一再籌商若非通力合作實無以濟要需而規久遠應自三十三年正月分起按照豫算之數每年飭由江海關籌銀四萬兩鎮江關籌銀三萬兩蘇州關籌銀一萬五千兩蘇牙釐局籌銀一萬五千兩其餘七萬數千兩均由蘇藩司竭力籌撥各司道庫局悉照派定數目按月分解遇閏照加惟其

作正報銷其向由司局經放之款仍應照舊撥充以維學務而免諉卸除咨稅務大臣度支部學部查照外謹會同兩江總督臣端方恭摺具陳伏乞

鑒敕部立案施行謹 奏奉 硃批該衙門知道欽此

皇太后 皇上聖

皖撫恩奏籌款維艱擬清丈沿江洲地分別繳價升科摺

奏爲皖省新政待興需款繁鉅籌措維艱擬派員會同州縣清丈沿江洲地分別繳價升科以濟要需而裕課賦恭摺具陳仰祈 聖鑒事竊查濱江洲地漲坍屢常定例五年大丈一次漲則升科坍則豁糧

所以杜隱匿而期核實也皖省地居長江之中如懷甯桐城宿松望江貴池青陽銅陵東流當塗蕪湖繁昌無爲和州等州縣及歸併各州縣之衛地濱江之區蘆洲櫛比乃自同治三年大丈以後迄今已四十餘年未經舉辦其間雖有新漲之地因爭涉訟報請升科者而逐年增漲隱匿未報以及由泥灘而成草灘由草灘而成蘆地而成熟田者所在多有非由痞棍所把持卽爲豪強所兼并甚至主客紛爭彼此轉轄或藉口於契據燬失或自恃其管業有年當時既未繳價日久亦未升科侵佔欺朦莫可究詰非認真清丈斷難廓清一切弊端卷查光緒二十八年間曾經有人以皖江一帶淤漲洲灘盡成糧地課則仍是草蘆請將已墾者從實清丈未墾者一律招佃奏奉 上諭切實清查整頓當經前撫臣聶緝槩奏覆飭司覆飭沿江各屬趕緊查勘俟取到清冊委員會丈再行酌量飭遵迄今又閱數年未據各屬造冊詳辦推原其故固由各州縣地方庶政殷繁未能專心致力亦以其中阻力甚多不免遲疑觀望第目前之

時局度支匱乏已極如皖省之新政待興需款繁鉅財用不足羅掘無遺艱棘情形尤十倍於他省奴才等每與司道磋商深歎點金乏術縱使勉力搜括竭澤而漁公家之受益甚微商民之受累已甚惟此沿江洲地本屬無主官灘遺棄利源固屬可惜任其隱匿益滋弊端何如照例丈冊分別辦理既可收一次之價銀並可增長年之課賦於公需不無裨益據舉牧樹藝總局司道詳請 奏辦前來奴才覆查皖省墾牧樹藝事宜業經 奏明設局開辦擬即檄飭該局遴委精明幹練之員分赴沿江有洲各屬會同各州縣認真勘丈新漲者定則繳價變轉者按則升科倘有坍塌之區亦即豁除原額分別酌定總期造冊繪圖送局核辦各印委果能始終勤奮辦理有效事竣後擬懇 天恩准其擇尤保獎以示策勵倘或

仍前玩愒查丈不力亦即立予嚴參如此信賞必罰各印委知事無中止庶不敢視為具文所有收繳地價儘數撥充新政之用隨時將收數報部查核加升科則仍歸司庫正款項下造報候撥抑奴才更有慮者各屬江洲痞棍之把持豪強之兼併相沿已久視為固然一旦大舉清丈或應繳價或應升科其不便於此者不知凡幾隱匿不得必起阻撓阻撓不能必騰蜚謗甚且惑衆以生事變危詞以聳聽聞衆難羣疑勢所必至奴才惟有督飭該局司道及各屬印委官紳堅定不搖力持其事不避嫌怨以期必成使皖省新政要需有所憑藉得以次第舉辦而於常年課賦尤有增益洵屬一舉兩得此又不得不先事陳明者也除飭墾牧樹藝總局司道迅速議章開辦並咨部查照外所有皖省新政需款擬飭印委清丈沿江

洲地分別繳價升科以濟要需而裕課賦緣由謹會同兩江總督臣端方恭摺具 奏伏乞

皇太

后 皇上聖鑒訓示施行謹 奏奉

硃批著卽督飭認真妥辦務收成效欽此

江督蘇撫致軍機處請代奏電文 (爲奏請江甯代收部庫捐項濟賑事)

軍機處鈞鑒江北徐海淮安各屬辦理冬賑就緒並擬接辦春賑大概情形業經專摺奏陳在案茲據各屬官紳先後電稟冬賑一律放完災民感戴 聖恩懽欣鼓舞頃復與呂海寰盛宣懷往返電商飭

令各義紳會同地方官委員將災民戶口復加清查嚴剔冒濫預備散放春賑並派安徽補用道許鼎霖總查海屬賑務分省補用知府劉鍾琳總查徐屬賑務丁憂前山東東昌府知府魏家驊總查淮屬賑務期臻周妥惟冬賑次貧至春卽爲極貧現擬不分等次每大口放錢一千文小口減半一面勸諭補種麥豆酌量借給牛種以助春耕並已籌款赴奉天蕪湖等處採辦米糧運回平糶至江甯揚州鎮江留養饑民分飭優給口糧遣令回籍昨據揚州來電饑民多有不願回者聚衆環求情同要挾幾釀事端當經切飭開導妥爲資遣總於正月之內一律回籍就撫各屬河道多有淤淺之處並令擇要開疏以工代賑約計查放春賑一次至少需錢二百五十萬千而自正月以至麥秋爲時甚久誠恐災情最重災民較多之處非酌量加放一次不足以全民命通盤籌畫連同資遣疏河平糶等項約需銀三百六七十萬兩此次鉅災迭蒙 朝廷發帑截漕並飭部籌款接濟先後已逾百萬 濃恩渥被至再至三度支部推廣 皇仁力維大局原奏內有此後賑款實在不敷仍應續籌臣部亦不敢不竭力經畫等語查現存有著之款僅止義賑積穀紳捐等項錢六七十萬串又湘省歸還江海關借撥賑款銀八萬兩又去秋辦理平

糶借撥江海關銀十萬兩尙堪湊用此外則銅元全數充賑並無餘利可提賑捐及七項常捐雖經迭飭勸辦而各省捐局林立互相競爭勢成弩末迄難集有成數共不敷銀三百餘萬毫無著落綜計十三州縣嗷嗷待哺之饑民何止二三百萬去年海州之土匪徐邊之曹匪仰賴 朝廷威德當即撲滅然亦由於辦賑得手人心安定故不致爲匪徒誘脅本年春賑尤關緊要倘因款絀停放勢必老弱餬口無資委填溝壑各處災民良莠不齊匪類溷迹其間人心頗爲浮動辦不得法必將釀成巨患糜爛地方所費更難數計且江南司道局庫除留備賠款洋債軍餉急需外餘均一空如洗挪無可挪至若專請由部續籌固係遵照度支部原奏辦理惟部庫同一支絀三百餘萬之鉅款一時恐亦難以籌集方等電商再四焦急萬分現在惟有推廣捐輸或可以資接濟查從前順直賑捐代收捐免保舉銀兩有案此次江北水災之重饑民之多賑款之鉅較之順直有過之無不及擬懇

特恩俯允將異途出身人員應交捐免保舉銀兩保舉過班留省人員應繳補交留省銀兩二項一併准由江甯代收以一半報解部庫一半專歸徐海淮安各屬賑撫之用仍以一年爲限屆時體察情形奏明停止以上兩項雖向係由部庫收捐第此次賑務度支部本允仍應續籌卽行竭力經畫茲將部庫應收之捐撥由江甯代爲勸辦賑款受挹注之益部中省經畫之勞且部庫賑務分半解撥方等實已兼籌並顧部中當亦曲諒苦心如蒙 俞允方等當飛飭辦捐各員實力勸募源源解濟以期多集一金卽可多活災黎數命如間有緩不濟急卽當設法先行借墊有此捐款可指另籌稍易爲力方等日夜焦思舍此別無良法如蒙 特恩允准數百萬

災民立有起死回生之望皆我

皇太后

皇上之所賜也不勝激切屏營之至謹請代

奏

方陳夔龍叩蒸

江藩司詳湖北農務學堂黃道祖徽墊借捐洋請賜獎勵文

爲詳明事案准總辦湖北農務學堂候補道黃祖徽函稱江北災區甚廣奉憲台電飭勸捐已勸票幫寫得一千元交商務局由孫道報解茲又向同鄉錢業廣爲商勸已有二千元竊思難民既多冬賑不易若待捐款集有成數誠恐緩不濟急先墊借龍洋五千元俟陸續勸捐再行補還等語並由通和錢莊解到龍洋五千元於十二月二十三日彈收司庫存候撥用本司查賑款正極支絀黃道祖徽慨墊洋銀五千元滙兌前來洵屬好義急公理合具文詳明憲台俯賜鑒核批示獎勵爲此備由呈乞照詳施行督帥批 據詳已悉查上年江北水災現正接辦春賑需款極繁該道黃祖徽在鄂勸捐先行籌墊龍洋五千元滙解來甯洵屬好義急公深堪嘉賴應俟事竣後核明酌給獎勵以酬勞勩仰卽轉移遵照仍令接續勸募源源解濟多多益善以惠災民並移江南賑捐局知照繳

各省要聞彙誌

京師 ●日前政府電致各省督撫謂邇來各省舉辦捐款多有激成民變之事核其情節總因地方官辦理不善所致此後務各嚴飭所屬體察民情虛心勸導不准勒令捐輸以副 朝廷勤恤民隱之至意

江蘇 ●蘇省通用之裕蘇官錢票曾被匪徒偽造混用頗受影響前日藩司陳方伯特飭該局總辦李

太守將舊時錢票悉數收回重造五千三千一千等數新票發市行用現已一律造齊日內將稟請方伯蓋印發行

安徽 ●皖省牙釐局具詳皖撫略謂據滁州陳牧面稟滁州設卡窒礙情形復經札委蔣令楸瀚馳赴該處復加訪查茲據稟稱滁之上游有定遠之池河卡下游有蘇境之六合卡州城之外交通之區自以烏衣鎮珠龍橋爲最盛而列肆所售資本無多絕少大宗屯聚轉運綜計全境銷貨價值歲約錢三十萬串之譜聚之則有成數散之實形其微設卡稽征隱匿繞漏斷難悉數收釐而自池河徑達金陵下關旱路二百餘里之中卽須完釐二次水路繞運較遠取道六合之張家堡更須完釐四次倘因添卡而商旅不前一切走卒驟行無可食力於窮民生計不無缺望陳牧籌畫情形尙非過甚北貨如生皮油餅等物來自臨淮正陽兩鎮向於池河完釐南貨如布緞雜物運去北路亦向於池河完釐滁境向免稽查商賈遂樂出其途訪悉該卡歲可收釐二千串於其下游之滁州添設堵卡補收釐金以情理論卽難於池河歲約三千串之數亦當十得其八九加以本境之米糧葶蔞藥材南北各貨之落地釐金兩者併計歲收當不下八千串之數惟來安之水口施官電官等鎮滁境之烏衣界牌等鎮路徑紛歧均須嚴加巡防多設堵卡雖於商情未能遽洽而於公家不無裨益惟滁州出產以米糧爲大宗現在北賑方殷改轍而北概免釐稅無可征收北地災黎流徙到滁聞有七八千人之多土客雜糅市面蕭條釐卡本易招怨創始又復大難蠢蠢飢黎正難遣散旁生枝節事在意中此目前爲難之情形

皖撫恩飭藩司等照擬開辦農工實業學堂札文

爲札行事據翰林院編修趙曾重等呈稱爲擬籌開辦農工學堂開具說畧並簡明章程呈請核示立案事竊照紳等前經稟准創立農工公司承任兩業學務並蒙籌撥官款四萬元充作公司股本卽以官股每年應得利息作爲學費業經前憲臺聶 奏咨在案上年春間高等學堂工竣遷移後房屋已點交接收九月間復由高等學堂將代收官股本息銀兩先後移送前來計截至光緒三十一年九月止存原撥本銀二萬七千九百餘兩又息款除支銷外實存銀二千二百餘兩維時因公司尙未發達學堂經費浩繁息款無多不敷甚鉅一時未能開辦適安慶府裕守商借農工學堂西偏齋舍開辦府中學堂隣屆兩年期滿中學堂已另議建築正值大公祖振興庶務 奏辦全省墾牧樹藝爲地方興利提倡實業不遺餘力而農工學堂爲造就實業人才之所尤宜及時舉辦以期蓄艾儲材藉供任使紳等公同商議意見相同擬卽飭訂教員籌備一切自明年一 指本年丁未一春季爲始招收合格學生一百二十名查照 奏定章程酌合學生程度先開農工實業豫科專教理化測繪英文東文等科俟兩年畢業後升入本科其經費分開辦常年

兩項暫就積存及歲入息款撙節開支俟經費稍裕徐議擴充以仰副興學育才之盛意  
所有擬籌開辦農工實業學堂各緣由理合備具說略預算經費並開辦簡明章程錄摺  
呈請大公祖鑒核批示立案俟奉批准再請通飭各州縣示諭周知申送學生屆期考選  
入堂以廣造就而免遲誤等情並清摺到本部院據此除批示農工實業爲富國裕民之  
本圖而要非先辦學堂不可披閱來牘及經費簡章各摺井井有條該紳等任事實心收  
效必速應卽如呈立案札飭藩臬兩司遵照前札隨時督察毋稍膜視並由該司等照錄  
章程通飭各屬申送學生考選入堂肄業惟經費僅恃官股息銀未爲充裕原議由紳招  
股六萬元現在有無成數懸念殊深希卽廣爲勸導如數招齊俾可拓充公司資本本部  
院尤有厚望焉此復印發外合抄清摺札行札到該司卽遵照隨時督察並照錄章程  
通飭各屬申送學生考選入堂肄業切切此札

上江督憲請興農務書

（陳琪稿）

敬稟者竊以阜財足用經國自有本原改舊謀新因時以爲進化此古今中外同揆者也今 國家鑒於  
貧弱之失力圖富強朝野上下奮臂疾興競言興學練軍幾乎風行草偃抑知無農則兵無所養學無所

資天下大利必歸農東西富強各國莫不汲汲然先之善夫賈生之疏曰倉稟實而知禮節不足而言治

自古及今未之嘗聞神農之教日雖有石城湯池帶甲百萬而無粟不能守也衛文公之治衛也務於農  
農通商惠工敬教勸學秩序井然中國古來重本抑末一農國也而至於今土地非不開闢田野非盡荒  
蕪然而賦稅無出民生重困病在乎鄙農爲細事任至頑極愚者自爲之從無有提倡教導列爲政教無  
怪乎新法無所發明舊術漸歸漸滅也甚者水利不講時有水溢之災森林不興實釀旱乾之患逃亡相  
繼盜賊時起史冊所書古今同慨泰西各國時和年豐民日富而國日強雖有地震火山崩裂之患未聞  
有水旱偏災如今日湘楚淮海災區之廣饑民之衆者非無天災之流行也有人事以補救之則天時地  
勢難乎爲害此亦今日之明證大驗也加以土性火化選種改良精益求精則農林學校之爲益宏也今  
日 朝廷既設農工商部外省有商學會而獨未嘗有農業會間或併農工商爲一局或統名爲實業者  
皆未洞悉農業關係之重大與其學問條目之淵曠也推原其故在乎人各狃於所習否亦趨時以爲名  
耳非能真知自強之道也普通家多言興學而憂弱者言兵憂貧者乃及工商農則微乎微者故鮮及焉  
庸知食爲民天農爲國本小之饑寒所關大之治安所在此正今日變法圖強之先務而亦立憲自治之  
始基也今試就外國進化次序論自農而工而商各國皆然美其最者雖工商已稱發達而農業尤所研  
究德以陸軍名而森林乃其大利中國未歷農業時代而遽言工商兵不可也此宜務農者一也就本國  
地理人口論大陸二萬萬方里氣候溫和無論礦產若何以地面論實占五洲之上腴欲興其利微農安  
資戶口四萬萬人滿爲患不興農業無以殖民此宜務農者二也且工商二者惟農是資不有工商何所

資以爲運不有農工何所資以爲成無源之流識者所譏此宜務農者三也東南財賦之區並稱江浙考其所出不外農桑今財政困難世所共見不早爲設法食者愈衆用者愈疾將來情形不堪設想此宜務農者四也竊以爲近日外官官制各州縣宜仿周禮田峻漢時力田宋代勸農官專設農官以重農政或設總董支董如勸學所分區之例而省會特設農務局設學教課以資提倡分員調查以重考成庶各屬知所效法實事求是不敢以空文塞責而農政以興其必不可併農工商爲一局或統名爲實業者農爲農工商爲工商各有主業不相雜廁且恐門類繁曠未能專精也大帥體國經野教養兼籌本務所存纖悉必至敢擬簡章請就本省特設農務局所先行試辦如蒙俯允卽請奏定由農工商部核議推行將來成效所收歲杪計入以裕國用以厚民生地無餘利民無游食家給人足奸邪不生太平之基於是乎在以視告災而後議賑民變而始言撫者其成就必有本末輕重之殊矣謹繕農務局編制草略一摺恭呈鈞座是否有當伏乞憲鑒核奪施行

### 各省要聞彙誌

京師 ●農工商部擬派員分赴各省查勘荒地并以爲興辦墾務必須擬定獎章方足以昭激勸現已擬定章程嗣後官荒地畝如地方官提倡儘數招墾者俟三年成熟確有成效准照尋常勞績照原保官階獎升一級民荒各地由紳民領種者按照招墾畝數照奏定商勸例分別給獎俟奏明後卽行通

力求改良以興大利

江甯 ●兼辦勸業機器工藝局王紹延觀察以本局出品異常滯銷遂致虧耗官款爲數不資特詳懇江督憲請飭所屬學堂軍隊應用操帽操衣操靴等項均歸該局製造出售以期彌補積虧等情午帥准將省垣學界軍界所需服裝一半歸該局承辦一半仍歸商辦除飭該局實力經營外復分飭各軍隊學堂一體遵照

湖北 ●漢上茶業爲出口大宗惟近來商人多有攙和假茶故銷路漸行減色現茶業公所首董提議擬每年派一公正之人無論洋莊本莊均嚴密查禁攙和以冀振興商務并擬稟請商務局立案

浙江 ●長興縣荒山綿亘居民除種竹外樹藝一道不甚講求茲有孫紹曾等議集同志股設一樹藝有限公司請在長邑認定荒山不論有主無主承墾種植菓品等類並雇工人部以團練之法日則灌溉夜則巡視以免匪人偷拔聞已妥議章程向撫轅進稟

廣東 ●粵督周玉帥以年來洋糖日進華糖銷路益滯皆由種蔗製糖狃於成法所致亟宜力圖改良除已商由荷蘭領事官電聘彼國深諳糖學之機師濮倫史由津到廣並派張承繼龍會同商會董事盧源深等前往潮汕一帶察看種蔗製糖情形調查畢事所呈節略皆可採用特發交潮州沈道查考督同紳商詳細籌畫速議集股設立公司以期早日興辦若商人難於圖始意存觀望卽由沈道酌撥

官荒以助其力或由農工商局包認利三年以堅其信其餘高雷種蔗地方均可一律興辦

論日出而真理明於天下

四曰公正 議員爲人民選出之代表然其所代表者非爲一人一地爲全國也古時階級制度盛行故某階級所選出之議員卽爲某階級之代表而其結果利害相衝突是非相混淆遂有寡人政治之稱各國力救其弊以謀議事之統一然而人有恆情於其疏遠者每不如其切近者之親而暱也是宜養成其國家思想勿拘牽於局部勿驅逐於感情依性理以爲判斷乃不愧大國之民

以上四者議員之原則略盡於茲矣今之論者動謂中國人民程度太低不足當集思廣益之任不知程度之高下在乎誘導之得宜其機一動有沛然莫之禦者曾是四萬萬之衆而猶患無人才乎必不然矣  
述選舉法第十

凡立憲國必有議院議院制度或用一院或用二院近今各國則皆用二院制二院之名有稱爲上院下院者有稱爲第一院第二院者有稱爲元老院代議院者有稱爲貴族院平民院者日本則稱爲貴族院衆議院名雖不同而其設此二院之制度皆以議員爲要件議員之設在上院則或以貴族當之或兼由人民選舉出之或由其國之主權者以勅令任之至下院之議員則無不由國民公選舉出之選舉議員爲立憲國最重要之事故必特定一議院選舉法使人民遵而行之也然選舉方法各國不一稍一不慎流弊滋多蓋人民對於國家有應盡之義務有當享之權利雖憲法上定有明文而開議院時提議決議之事皆於人民有直接之利害各國人民必希爭得選舉者以其於已有關係也今中國將行憲政則必

設議院設議院則人民必有選舉議員及被選舉爲議員之權不考各國選舉之法以先研究則至選舉時何由明其所以哉

選舉之法各國既不一致其結果亦因而異茲分舉於下

有直接選舉法及間接選舉法 直接選舉法者國民舉出何人卽以何人爲議員間接選舉法者先由國民舉出多數人中再選何人爲議員也直接選舉之法簡便間接選舉之法複雜然直接選舉或有不才者濫廁其中間接選舉則多得優長之才此二者有弊亦有利也

有普通選舉法及限制選舉法 普通選舉則凡成年之男子不犯選舉法上所禁之事皆有選舉權限制選舉則以受教育程度之淺深納稅額財產額之多寡爲標準其合格者始得有選舉權普通選舉雖公而無知識之人亦同有此權將恐弊端叢出限制選舉可免此弊然限制選舉各國之法亦分二種一則定納稅之額數及受教育之年數而後分有無選舉權一則以納稅額數分爲等級應選若干議員計級數不計人數也但只以納稅額之多少定選舉權利之輕重於理似有未當焉

有多數代表選舉法及少數代表選舉法 多數代表選舉者言其得票之數多爲多數人之代表也少數代表選舉者言此類人數雖少其中亦必舉出代表以發表其意見也多數少數之分或以區域而定或以等級而定其中黨派多有不同往往因此不得其平區大人多者得票常多區小人寡者舉人常少以票數計則大區之人占過小區之數而小區不得舉出代表者矣以區數等級計則彼以千票數千票

而得一人此以百票數十票亦得一人不公平矣故畫分區域議定等級時須通籌及之免使後日因而生爭議也

上皆言選舉上根本之法而形式上則各國選舉皆用投票投票之制亦各不同一則有單記投票與連記投票之分單記投票一票只舉一人連記投票一票可舉數人二則有記名投票不記名投票之分記名投票投票者自書其名於票上不記名投票者投票者不書自己之名也二者之中以單記及不記名之法較善日本卽用是法焉

夫選舉者議員之所從出議會之所由成也不精核之則此有彼無無以使人各表其意思或所舉不合資格則人民雖有意思不能代表甚或有財有勢者牢籠強迫因此爲奸百弊叢生憲政敗壞人民之義務不均權利被奪則選舉非以爲利反以爲害也可不慎哉



農家必讀

退學軒編

第一章 授時

孟春節

正月 元日五更雞鳴時點火把炤桑棗果木等樹則無蟲以刀斧班駁敲打樹身則結

實此謂之嫁樹

又是月栽樹為上時上半月栽者多結子南風不可栽〔須參酌節令遲早〕

下子 茄 瓜 薏苡 諸般花子 葫蘆

扦插 楊柳 石榴 梔子

栽種 松 桑 榆 柳 棗 蔥 葵 韭 麻 胡桃 榛子 松子 杏子

椒 菠菜 竹 〔宜初二日〕 雜樹木〔宜上日〕 木棉花 山藥

冬瓜〔宜十日〕 黃瓜 萵苣生菜 芥 種蕓 種芋

接換 梨子 棗 柿 栗 桃 梅 李〔以上並雨後〕

澆培 石榴 梨子 海棠 栗子 棗 柿 梅 桃 杏 胡桃 〔以上並下旬〕

雜事 接諸般花木果樹 移諸般花木果樹 壠瓜地 修諸色果木 修接桑樹

嫁諸色樹木

仲春節

二月 二日東作興俗謂之上工日

下子 麻子 紅花 山藥 白扁豆 桑椹

扦插 蒲桃 石榴

栽種 槐 穀楮 粟 松 銀杏 棗 皂莢 菊 茶 薤 木瓜 桐樹 決

明 百合 胡麻 黃精 茨菇 甘蔗 雜菜 藕芋〔宜雨多〕 竹

茄 瓜 莧 蒼朮 芭蕉 蒿苳 韭 夏蘿蔔 木槿 枸杞 紫蘇

烏豆 大葫蘆

壓條 桑條

接換 柑 橘 柿 棗 橙 柚 杏 栗 桃 梅 梨 李 胡桃 銀杏

楊梅 枇杷 沙柑 石榴 紫丁香〔以上春分前後皆可〕

澆培 柑 橘 橙 柚 葡萄

光緒三十三年二月初十日 西曆一千九百零七年三月二十三號 禮拜六

本報拾日出一册每册大洋七兩角五分  
局設南京省城二道高井